

ኮንፈረራልየት ሽቃለ ኤርትራ 7^ይ መጽተመረ ትወዳ



7ይ መጽተመረ ወጠኒ ኮንፈረራሽን ሽቃለ ኤርትራ፡ ርኢስ ኢሰያስ አፍወርቂ፡ ወቁላም ሰብ-ሰልጠት ሕክሙት ወጀብህት፡ ወካይል ናይ መንጠቀት ወእድንያይ መሓብር ሸቃሉ፡ እት ኤርትራ ለመርከዞም ዲፕሎማሲያን፡ ክምሰልሁሙ ወካይል ፈደሬሽናት ሸቃለ እተ ሓድረው እቲ፡ “መትካም ድቁብ እግል መሕበር ዋቂ” እት ሓንቴለ ትብል ሰቅራት፡

ዮም 27 ማርች እት አስመረ ሆቴል አስመረ ፓላስ ትከሰተ፡፡ ርኢስ ኢሰያስ አፍወርቂ እተ አስመዐዩ ከሊሙት፡ ረዩም ወለ ለአትሓብን ታሪክ ንዓል ሸቃለ ኤርትራ ክም ኸልፍየት እንዴ ኢልትረሰዕ፡ ፈደሬሽን ወጠኒ፡ እት ቀበት ርቡዕ ዘበን ለሓለፈዩ፡ ለህለ እቲ ወእብ ኣዜ ለሰርግሉ መራሕል እበ ኸሰሰ አስእለት እግል ልትህረስ ወክዱ ክምቲ እት ሸርሕ፡ እሊ

ላኪን እግለ ኮንፈረራልየት ሌጠ እንዴ ኢገብእ፡ እግል ለትፈናተ አጅህዘት ሕክሙት ወጀብህት፡ ህይዳት ወለትፈናተ መኣሰሳት ክምሰል ሸምል እት ለሓብር፡ እምበል መኣሰሳት ወጠን እግል ናይ ኻርጅ ሰብሸርኩት’መ ሰበት ኸሰሰ፡ ጌማም ራትዕ ክም ጠልብ ወደሐ፡፡ ርኢስ ኢሰያስ እንዴ አትሉ፡ ሓቀ ካቲመ ሓርብ ብሩድ፡ “ወዳናን

ተወወተ” ለቤለው ጀሃት፡ አር እድንያይ ንዛም እግል ልኽለቀ ምን ለአትብቲ፡ እት ዐለምን አግደ ህይ እት መንጠቀትን ነዐር፡ ፍተን፡ ደማር ወመሻክል እቅትሳድ ክምሰል ትረኣው ወእብ ሰበበ፡ ርዝቅ ዐለምን እት እዴ ሕዳም እንዴ አት፡ ለበዝሐ ሸዑብ ዐዛቡ ክም ዜደት አፍህሙ፡፡ እተ ሓልፈ ወጠን እግል ብንዩት ሄራር ርቡዕ ዘበን ጸብጣሙ ለዐልን ሩእየት ወእስትራቲጅየት፡ አከዶት አትሓያስ ነውዕየት መንበር መዋጥኒ፡ ረሸዶት ዐቦት እቅትሳድ፡ አዳላይ ድቅብ ብንዩት ተሕትየት፡ ባቅዕ አብነት ዐመል ኸልቀት፡ እብ መራሕል-መራሕል ባቅዕ ወሳፊ አጅህዘት ብንዩት፡ ዝያድ ክሉ ህይ እብ አኽላቅያት ወቁል ለልትአመር ባቅዕ መፍርያይ፡ በዐል ምህንት ኸልቀት ክምቲ ርኢስ ወደሐ፡፡ ለመጽተመር ናይ ኩሉ ቅደይ ሕሉል እግል ልርኩብቲ ምንመ ኢልትበህል፡ አህዳፍን እግል አከዶት፡ አግደ ህይ ምስል ዐመል ወዑማል ለልትጸበጥ ቅደይ ለልትረተብ ናይ

መስተቅበል በራምጅ ዶሩ እግል ልወቅል፡ ክምሰለሁሙ መትባዳል ተጃርብ ወምሰንዮት ተጃረት ለለደቅብ መርበይ እግል ለአፍግር ትወሰ፡፡ አሚን ዓም ኮንፈረራሽን ሽቃለ ኤርትራ አሰይድ ተኸሰቴ ባይሬ ህይ፡ ኤርትራዩን ሸቃሉ፡ ሓቅ ወጠኖም ምን ተሓረመው እግል ሓድ ሰር ዘበን፡ እንዴ ናደለው ወአስተሸህደው እስትቅላል ዐዶም ክም አከደው ሓቀለ ሓበረ፡ እት ፍንጌ ሸቃሉ፡ ሃይባት ሸቁል ወሕኩሙት ለተህሌ ዐላቀት ሱላሰየት፡ ናይ ሕበር መሳልሕ ወሕቁቅ ሸቃለ እንዴ አተረደ ለገብእ መትካም አሳስ ቅወት ክምቲ ሰበት ተአመነ እቡ፡ እት ሰነት 1979 ዕዛል ወሕጌ ለገብእ እሉም መሕበር ክም ተአሰሰ፡ እት ሰነት 1994 ህይ 5 ፈደረሽን እንዴ ክምከመ፡ እብ ደረጃት ኮንፈረራሽን ክም ትካዘመ አፍህሙ፡፡

እግል ዝያድ ሓብሬ ገጽ 2 ረኤ

ሰርብዩ፡ ሰፊር ፍሰሃጽዮን አውራቅ ሸቅሉ ቀደመ



ሰፊር ደውለት ኤርትራዊ እት ኢጣልየ አሰይድ ፍሰሃጽዮን ጸዋርስ ሰፊር መትሐርካይ እት ጅምሁርየት ሰርብዩ እንዴ ገኡ፡ 21 ማርች 2017 አውራቅ ሸቅሉ እግል ርኢስ ጅምሁርየት ሰርብዩ ቶሚሰላሽ ኒኮሎቻ ሰለሙ፡፡ እተ መናሰበት፡ ሰፊር ፍሰሃጽዮን ሰላም ወንዩት ሰኔት ርኢስ ኢሰያስ አፍወርቂ ሓቀለ አብጸሐ፡ ኤርትራዊ ምስል ሰርብዩ ዐላቀት ትርድት ወሸራኩት ሰደይት እግል ተአሰስ ንዩት ክምሰል በ አከደ፡፡ እሊ ሀደፍ እግል ልትአከድ እብ ክለ ሓለቲ ክምሰል ከድም እት ለአከድ ህይ፡ መዓወነት ክሉም

ለኸሰሰም ሰብ-ሰልጠት ሰርብዩ ክም ኢትፈንተዩ ለበተ ሰእየት ሸርሐ፡፡ ርኢስ ቶሚሰላሽ እብ ጀህቲ፡ ወቁል ልኡክ ሕክሙት ኤርትራዊ ቀደም ክልኤ ሳምን ለሰርገለየ ዝያረት ረስምየት፡ መግዋር ወንዩት ኤርትራዊ እብ ዋጅብ እግል አመርት ሴድያይ ክምሰል ዐለ እት ሸርሐ፡ ዐዱ ምስል ኤርትራዊ ዐላቀት ትርድት ወሰደይት ሸራኩት እግል ለህሌ እለ ክም ተሐዜ አከደ፡፡ እሊ ክእን እት ህሉ፡ ሰፊር ፍሰሃጽዮን ጸዋርሱ ምስል ለትፈናተው ሰብ-ሰልጠት ናይለ ዐድ እት ሸራኩት ክልኤ ጀህት ለረከዘ ህድግ ወደ፡፡

አዶብሐ ንኡሽ፡ እብ ማይ ረከት

ዲብ ምዴርየት አዶብሐ- እዳረት ደዋይሕ አዶብሐ ንኡሽ፡ እት ድጌ ምን ትክምከመው ለትዳለ እግሉም ከደማት ማይ ጽሩይ ጸርም እንዴ አቅለለ ዲብ መናበራቶም መርህዮ ክም ከልቀ እሉም ሰነንለ ባካት ሸርሐው፡፡ ህቶም እግል ኤሪን ዲበ ሀበወ ሓብሬ፡ እት ሓን ሓጋይ ማይ እግል ልርከሶ ልትዐዘሶ ክም ዐለው እንዴ ሓበረው፡ እሊ ህይ ዲብ አንሳት መደረቱ ቀላል ከም የዐለት እንዴ ፈቅደው፡ ሕክሙት መናበራቶም እግል ተአጥፍሕ ዲብ ምግብ ዐዶም ከደማት ማይ ምን አትዳሌት እግሉም መሓዝም ከም ረሀ ሓበረው፡፡ ለመሸርዕ ማይ እብ መትደጋግ ወመራዐየት ምን ትነፍዐው እቡ፡

ብዙሕ ሰናታት ረሀየት ከም ረክበው እንዴ ሓበረው እግል ዝያድ መወጣይ ጠለባት ጣቀት ጽሓይ እግል ልትመም እግሉም ትፋነው፡፡ መስኡል እዳረት ደዋይሕ አዶብሐ-ንኡሽ እግል ኤሪን ዲበ

ሀበዩ ሓብሬ፡ ለእብ እዳረት አቅሊም ቅብለት በሐር ቀየሕ ወሰብ ሸርኩት ለትዳለ እግሉም ክልኡት መርከዝ ተውዝዕ ለከምክም መሸርዕ ማይ፡ ዝያድ ክድመት እግል ለሀቦም ምናም ለልጠብ እግል ሊደው ዱልያም ክም ቶም አከደ፡፡



ዝክረት 40 ሰነት ተሕሪር መዲነት ነቅፈ

መዲነት ነቅፈ 40 ሰነት ተሕሪር፡ እት ዮም 25 ማርች እብ ለትፈናተ ጽበጥ ዐየደት፡፡ ለእሕትፋል፡ ዓዳት ወመንበር ሸዑብ፡ ወቀይ ወጠንያይ መኣሰሳት ለሸርሕ ካርኒሻላት፡ ወራታት ርያደት፡ ሸቲል ዕጪ እት መቃብር መሐርበት ወብዕድ ጽበጥ እቡ ናይር ዐለ፡፡ ሙዲር ሙዲርየት ነቅፈ አሰይድ እድሪስ ዐሊ ሸከር እተ አስመዐየ ከሊሙት፡ ተሕሪር መዲነት ነቅፈ እት ታሪክ ንዓል ሸዑብ ኤርትራዊ አካን ፍንቲት ክምሰል ጽበጥ እት ሸርሐ፡፡

ሓቲ ዶል ሓቀለ ተሓረረት እብ ድግማን እት እስትዕማር ሊኦቲት፡ ዕላመት ሰሙድ ሸዑብ ወሙናድል ለገብኡት መዲነት ክምሰልታመ ሸርሐ፡፡ አሰይድ እድሪስ እንዴ አትሉ፡ እብ ሓርብ ለትደመረት መዲነት ፈሓቀ ሕርየት እግል ብንዩት እብ ሸዑብ ወሕኩሙት ለገኦ ጅህድ’መ፡ መስተንክር ሄራር ብፍእ ወጠን ጋብኡት ክምህሌት ወደሐ፡፡ እብ መሕበር ‘ጃማሂር’ ሳሕል ለትዳሉ፡ እግል መንበር ሸዑብል ድዋር፡ ዶር ሰልጠት ሸዑብ እት

ንዓል፡ ፍገሪት ፈዛዐት ስያሰት፡ እግል ሸዑብ ልትህዩብ ለዐለ ከደማት ወመሻረኩት ሸዑብ እት ክል መጃላት ለሸርሕ ዕፌ ሰወር፡ እግል በርናምጅ ዝክረት ነያረት ፍንቲት ክምሀበዩ ወኪል ኤሪን ሓበረ፡፡ እምበል እሊ፡ ልባስ ወዕንዳቂ ሙናድሊን፡ ሰዋትር ነቅፈ፡ ናይ ሰውረት እሳር፡ እት ሓንቲ አርድ ለትሸቀ አብያት፡ እተ ድፋዓት ለዐለ ብርጌዳት ወክፈል ዲሽ ለሸርሕ ዕፌ መ ትቀደመ፡፡ ለዲድ፡ ለትፈናተ ፍረቅ እበ ቀደመያሁ ጽበጥ ናይር ዐለ፡፡

መቅነዛም ትሩድ እግል መሕበር ዋቂ

ኮንፌደራልየት ሽቃለ ኤረትርፓ ምን 27 አስከ 29 ማርሰ 2017 ዲብ ሆቴል አስመረ ፓላስ 7ይ መ-አተመረ ትወዴ ሀሌት። ዲብ መክሰቲ ናይ እሊ “መትዛም ትሩድ እግል መሕበር ዋቂ” እት ሐንቴለ ትብል ሰቅራት ገብእ ለሀለ መ-አተመር ከሊመት ለአስመዐ ርኢስ ኢሰያስ አፈወርቂ፡ እትሊ ዲብ ሀሌነ ዘበን ሽቃለ ወሽቅል ክምሰልሁ መሸረፍ ኣደሚ ብዙሕ ተሐድያት ሳድፋ ክም ሀሌ፡ መሓብር ሽቃለ ሀይ እሊ ተሐድያት ለዋጂህ እቡ ኣብሳር ወገብይ መትዛም እግል ልታሌ ክም ትጠለብ ምኑ ሐበረ። ኮንፌደራልየት ሽቃለ ሌጠ እንዴ ኢገብእ፡ ኩለን ብዕዳት መሓብር ወመአሰሳት ሕኩመት ወብሕተ፡ ምኑመ እንዴ ሐልፈ ሰብ ሸርኩትነ ላተን ናይ እዲን ወኣቃሊም መአሰሳት ሄራረን እንዴ ጌመመየ ምሰል እለ እተ ሀሌነ መርሐለት እዲን ለገይስ መትዛም ዋቂ እግል ሊደየ ክም ለአትሐዘ አፍሀመ። እንዴ አትለ እትሊ ሐልፊነ ናይ ርቡዕ ዘበን ሄራር ብኸ ወጠን ጽብጣሙ ለጸንሐነ ናኣየት ወሰትራቴጅየት እት ሰሰ ንቅጠት ከምከመየን። ሁተን ሀይ፡- (1)ዳይመት ሰን መንበር መዋጥኒን አከዶት ወክም ሰትራቴጂ ክም ትትሐፊድ ውድየት፡ (2) ረሀየት ወዐቦት እቕትሳድ ኣማን እግል ትትአከድ እተይ ዓበዮት (3) እተይ እግል ልበርክት ዲብ ኩሉ መጃላት እቕትሳድ እብለ ትሳወ መትመዳድ ዲብ ኩለን ኣቃሊም ትርድት ብገደት ተሕትየት(ጽርግያታት፡ ሚናት፡ ማይ፡ ከሀረበት፡ መዋሰላት፡ ዓፍየት ወተዕሊም ለመሰል ክዳማት) ኣዳለዮት፡ (4) ዲብ ኩሉ መጃላት ወመሳኔዕ ወመአሰሳት ሐቴክ ክምለ እለ ትመልክ ለሐሰት ወጠንያይት ክበን ዝሐረተ ባቄዕ ኣብየት ሽቅል ክም ትፈቴሕ እግል ልግበእ፡ (5) ምን መርሐለት ዲብ መርሐለት ባቄዕ ወዑፋይ መአሰሳት ብገደት፡ (6) ዝያድ ኩሉ ሀይ ዲብ ኩለን ኣቅሳም፡ መሳኔዕ ወመአሰሳት ባቄዕ መፍርያይ ናይ ምህነት መቅደረት ለቡ በዐል ተጅርቦት እብ ኣደብ ሽቅል ለንድቀት ሐለት ኣዳም ክልቀት ዝዋየት ወኣዳበርት ለልብለ ተን።



ር.ኢ.ሰ ኢ.ሲ.የሰ እንዲ አትላ ለእብ ሰብስቦ እስትሶማር እንዲ ትደመረ ምንተሐት በሕ ለእንሐ እቅትሳድ እግል ነኣትሐዬ ለወዴናሁ ጅህድ ወለሐባሩ እት ባድል ተክል እነ ለሀለ መሐባልክ እት ሕሳብ እንዲ አተ፡ ምነ ናኣየትነ አክልሚ ሐቀቅነ ዋጅቶ ተቅዩም ክም ለኣትሐዝዩ ሸርሐ፡ ሓለትነ ምን ናይ ዐለም ለትትፈንቴ ሰበት ኢኮን መካይድነ እግሉመ ለከምክም ክም ጸንሐ ሐበረ፡ ሐርብ ባርድ ክም አክተመ ዐለም ሐቴ ዝቢ እግል ትጽበዋ በ ምነ ልብል ናይ ዐሚም አፍካር ለትበገለ እት ገባይል ለኣጀርዮ ለሀለ ዐሓብ ወእት ፍንጌ ራክባም ወሓግላም ለሀለ ፈርግ ሰኒ ወአማን ክም ፊዩሕ ለወደ መካይድ፡ ኦሮ ምነ ተሐዲ እግል ሸቅል ወሸቃለ ክምቱ ለሐበረ ር.ኢ.ሰ ኢ.ሲ.የሰ ለትፈናተ ተቃሪር ክምለ 1% ምን ዐለምነ 99% ምን አርዛቅ እዲነ መልክ ክም ሀሉ፡ ዲብ ኢንፎኔዥዮ ሌጠ ርዝቅ ናይ 4 ነፈር አክል ናይ 100ሚልዮን ነፈር መልኩ፡ እብሊ አዜ ለሀለ ዝላም እቅትሳድ ለድቡራት ድወል ምን አዳለዮት መዋድ እግል ኢልሕለፈ ወምኑ እግል ልሕለፈ ምን ለሐዝዩ ለከርፈን መናካል ወመረር እንዲ ኢኮፌ ለተዐለመ አዳመን ምድር ክም ጠልቅ እንዲ ገብእ አሰክለ ምህነት እንዲ ኢረክበ እብ ነሐሩ እግል ልሸቄ ለሃጀር ዲብ ዝቡን ግብርነት እንዲ በድለ ረኣሱ ክም ኢረፊፊ መትቃርሐትን፡ ገጽከ እንዲ በደልከ ክም ሰብ ረሕመት

አናቤቦ አልመ ሻለቶት ምን እትለ
 ዐለምን ወለዘይድ እትለ እት ገበይ
 ተጠውር ለሀላየ ዋጅህ ለሀላ፤ እግል
 ሽረፍ ሸቅል ወሸቃለ እት ብቆት
 ለከሬ ወመንበሮ ገቢል ለልኣትሐውን
 ቴለል ክምቱ አፍህመ። መቅደረት
 ኣዳምን ወአርዛቅን እብ ዋጅብ እት
 መግሉ እግል ልውዐል ራቴዕ ዝሃም
 ኣዋፈሐት ሸቅል እግል ንቃሌ ሰበት
 ብኽ ኮንፈደራልየት ሸቃለ ኤረትየ
 እለ ሐዲስ ቴለል እት ወግም እንዴ
 ኣቴት መትዝመ እግል ለሐሰት
 ሓሰት ሸቅል እግል ትፈክር፤ ምን
 ሰብ ሸርኮተ ተጃርብ እንዴ ትነሰእ
 እት ኣተረዶት ምስንዮተ ምስል
 መዝዘማት እዲነ ለሰዴ ዝሃም ሸቅል
 እግል ትርሰም ወሳቤዕ ሙእተመረ
 እብ ሰርገል እግል ልትመም ሰኔት
 ትምኔቱ ሸርሐ።

እተ መክሰቲለ ሙእተመር ከለመቲ ለሀባ አሚን ዓም ኮንፈደራልየት ሸቃለ ኤረትሮየ አሰይድ ተኸሰቲ ባይፊሙ ወጠን ወሸቃለ ክልኦት ምንሕድ ለኢልትፈናተው ሰበት ገብአው ሸቃለ ኤረትሮየ ጀለ ሕርየት ሰር ዘበን ክም ናደለው፡ ሕርየት ክም ትረከበትመ ምን ወራር እት መኔዕ እት ልተራቲ መንበርሆም እግል ትጥፋሕ ቃድረት ምንመ ኢሀሌት ጀለ ዐቦት ወዐዳለት ለወድዎ ንዳል አዜመ ለኦተላልዉ ክም ሀለው እንዴ ሸርሐ፡ ለኮንፈደራልየት ምሰል ሸቃለ፡ ሃይባት ሸቅል ወሕኩመት እባ ሀሌት እለ ውሕደት ሰላሰየት ወምሰል ወቅት ለገይሰ ነዘዋት ወአደቀቦት ምሆነት ሸቃለ አግደ ዳየ እንዴ ወዴቶ ክም ትሸቂ እንዴ ሸርሐ ለሙእተመር እብ ሰርገል እግል ልትመም ተዐሸመ።

እተ ሙናሰበት ለትፈናተው ናይ አቅሊም ወእድንዩ መንዝማን ቸቃለ ለወከለው ሙሽተርከት ናይ ምስንዮት ከሊሞታት አሰመዐው። ለበዙሕ ለረከዘው እተ ንቅጡት ምን ተሀሌ ለጀለ ዳይመት ዐቡት እቅትሳድ ወመንበሮ ሰረፍ ገብእ ለሀለ ንዓል እብለ ገብአት ጸብኢት ነርጅ እንዴ ኢልትከረዐ እግል ለአተላሊ፡ ኤረትርዮ ቀድሃት ቸቃለ እት ናይ ወጠን እጁንደተ ሰበት ዋይደተ ሀሌት እት ረአሰ እሰሰ ብንዮት እግል ቸቅል ክም ለአቀልሎ፡ ሸባብ እትለ ኮንፈደራልየት ሀለዮቶም

መስተቅበልል ኮንፈደራልየት ባርህ ለወደ ወመዕነውየት ናይለ ሐቅ ሸቃለ እግል ልርተዕ ወመፍርየት እግል ልግበኣ ልትጸገጥ ለሀለው ምሔርበት ዐዳለት ለረፈዕ ክምቱ ተሃገው። ብዝሓም ምን ወካይል ናይለ መዝዘማት ሰላም ዒጸት ዐቦት እቅትሳድ ክምተ ወዐቦት እቅትሳድ ሰን መንበር ሸቃለ ክም ተኣደምን፡ ሰላም ሀዩ እብ ኢህለዮት ሐርብ እንዴ ኢጉበእ እብ ሀልዮት ዐዳለት ሰበት ትትኣከድ ለኢዓድል መኔዕ እግል ልትረፈዕ መዝዘማቶም ምን ጸገም ክም ኢልትገሴ ኣከደው።

እትላ መ-አተመር ለትፈናተ ሰማኚናራት ገብአ መስኡል ቀያት ሲያሰት ጀብህት ሽዕብየት እግል ድጥቅራጥየት ወዐዳለት አሰይድ የማኔ ገብረአብ ሰላም ወመዓወነት ዲብ አፍራቀ ወቲላል ዐቦት እበ ልብል አርእሰ ትናወለ። አፍራቀ ቃረት ፋይሐት፡ አርዛቅ ለልትከዔ ምኡ ብዙሕ ገባይል፡ ዓዳት፡ ሀገኒ፡ አድያን ለትመልክ ለትፈናተ መካሪት ምድር ወታሪክ ለባተ። እሊ ፈርግ ኬርተ። ክም ኬር እንዴ ገባይል እብ ሀወባቲ



መስሐል ቀድያት እቅትሳድ
አሰይድ ሐጎስ ገብርሂወትመ
ወራታት እቅትሳድ ወመርበዩ እት
በክት ሸቅል ኤረትርዩን ለልብል
ሰሚናር ዋዲ ዐለ። ኤረትርዩ እብ

ሐርሲ፡ ስያሐት፡ ርዝቅ በሐር፡ ርዝቅ መዓድን ደውለት መውሀብት ክምተ እንዴ ሸርሐ፡ እሊ ሀለ አርዛቅን እግል ልትሐንፈል ገብአ ምንገብኦ እብ ነሐር ወአምር ኤረትርዩን ሌጠ ለገብኦ ክም ኢኮን ምን ሰብኦን እንዴ ሐለፍን ሰብ ጸርን እግል ነአሸቄ ክምቱ እንዴ ወደሐ እት መቅደረት አዳምን እግል ኒደዮ ለወጅብ እስትሰማር እብለ እሊ እንቡታም ሀሌን በራምጅ እንዴ ኢልትከረዕ እግል ልስፌ ወልፍዮሕ ላዝም ክምቱ አፍሀመ። ምን አዜነ እግል ንክደም እሊ ለወጅብ ምህነት ለመልክ፡ እንድባዋ ናይ ሸቅል ላቡ፡ እብ መትሰባል እግል ልክደም ሐር ለኢልብል ሻብ እግል ንረቤ ሀዩ ኮንፈደራልዮት ምንገብኦ ውበዕዳት መአሰሳት እብ እሀትማም እግል ልሸቅዩ እቡ ክም ወጅብ አትፋቀደ።

እምበል እሊመ ሐቅ መትዝም
ወናይ ሕበር ውዑል፡ ዛህረት ልጁእ
ወሸቅል ለልብል ኦርእስ ሰሚናራት
እብለ ትፈናተው መኤምረት
ትቀደሙ።

ለሙአተመር ናይ 10 ሰነት ተቅሪር ሸቅል ወወራት ልጅነት መራቀባይት እንዲህ ሰምዐ ወእንዲ ናቀሽ ዲቡ፡ ዲብ ደስቱ፡ እግል ልሰኔ ለላትሐኪ ምን ለሀሌ እንዲ አሰነ ቀራራት ወፊናታት እንዲ ሐልፈ. ወማርሐቱ እንዲ ሐረ ዮም 29 ማርስ 2017 ተምም።

ХЗЦФ ОХРН

ክል ኦርቡዕ ለትጠ'በዕ ጀሪደት

መዳረፍ:

መሐመድ እድሪስ መሐመድ

ኣድም ሳልሕ (ኣቡ-ሐሪሽ)

ለይ-አውቶ፡

ΗΥΖ ΟΛ,
Ζ ΘΓ Ξ ΕΠ

ተለፎን: 121797

ፋክስ: 127749፡ ስ.ሰ.ቡ: 247

ተውክሶ ጀሪደት፡

ተለፎን: 200454

アチカカビビ:
125012- 10

776.7: 125013: 0.11.1F: 1284



ቃኑን ጀሪመት ኤረትርዮ

2^ይ ክፋል

ዲብ ሐቅ ሐብስ ለልትሆብ “ዐተቀት እብ ሸርጥ” ቅረዲት ዲብ ቃኑን ጀሪመት ኤረትርዮ ክቱብ ክምለ ሀላ፡ ሙጅርም እንዴ ገእ ለትረከበ ነፈር፡ ጀዘ ሐብስ ተሐከመ እቱ ምንገብእ፡ ለጀዛሁ እግል ለአትምም ወእግል ልሰየሕ ዲብ ሐብስ ወእስለሕ ልትነደእ፡ ለዲብ ሐብስ ወእስለሕ ለጸንሐ ወቀት ህዩ ለዐለ ምዩል ጀሪመት እንዴ አሰነ፡ ናይ ኣካዳምየት ወምህነት በቃዐት እንዴ ኣዳበረ፡ ሙዋጥን መፍርያይ እንዴ ገብእ ዲብ መጅተመዕ እግል ልትሓበር፡ እበ ትትቀደር ናይ መንፈስ ወልባብ፡ ኣካዳምየት ወምህነት፡ ተእሂል ወምህሮ ልትሆብ ወእት በቃዐት ነፍሱ እግል ለሓፍዝ ለለአትፋዝ ለትፈናተ ናይ ርያደት ወኬወ ወራታት ልዳሌ እሉ። እሊ ዲብ እሱር ዲብ ሐብስ ወእስለሕ ዲብለ ጸኔሕ እቱ ውቀት እበ እሉ ለርኤ ተቅዩር ጠባዬ፡ ዐተቀት እብ ሸርጥ እግል ልትሰመሕ እሉ ኣው እግል ልትከለእ ቀድር። ለናይ ቃኑን አሰር እበ ልትሆብ ምህኖ ወተእሂል እት ጠባይዑ ተቅዩር ክም ኣምእኡ፡ እበ እለ ወደ ጀሪመት ክም ተዐቢ፡ ዲብ መጅተመዕ እንዴ ተሓበረ ቃኑን እንዴ ጠይዐ እግል ልንበር ክምሰል ቀድር፡ እብ እቅትሳድ ርሐ እንዴ ቀድረ ለትብር እቡ ምህናት ክም መልኩ፡ ናይ ወጠንየት መስኡልየት ለትሰመፃ ምዋጥን ክምሰል ገብእ ወለመሰሉ ለለአፍህም ሳብት ንቀጥ ዶል ሰጅል እብ ረአይ መስኡለ ሐብስ ወእስለሕ፡ ዐተቀት እብ ሸርጥ እግል ልሰመሕ እሉ፡ ዲብ መሕከመት እግል ልቅረብ ቀድር። ለቤት ፍርድ ህዩ፡ ናየ ድራሳት ወንማም ሐቀለ ወዴት፡ ዐተቀት እብ ሸርጥ እግል ትሰመሕ እሉ ኣው እግል ትክልኦ ትቀአድር። እብ አሳስ ቢያናት ቃኑን ጀሪመት ኤረትርዮ፡ ዎሮ እሱር 2/3 (ክልኦት መሰለስ) ናይለ ትፈረደ ዲቡ ናይ እስሮ ጀዘ ዶል ለአትምም፡ ኣው ህዩ መአበድ ለትፈረደ ዶል ገብእ፡ 20 ሰነት ምን ፍርዱ ክም ኣትመመ እብ ሸርጥ እግል ልትዐተቅ ቀድር። እሊ በህለት ሳኪን፡ ዐተቀት እብ ሸርጥ ሰሙ ክምሰለ ተሐብሩ፡ እምበል ሸርጥ ለልሰመሕ ክም ኢኮን እግል ልትአ’መር ለአትሐዜ። እብ ዐተቀት እብ ሸርጥ ምን ሐብስ ለፈግረ ነፈር፡ ለተርፈ ወቅት እስሮ መአበድ ለትፈረደ ገእ ምንገብእ፡ ምን በዜሕ ሐምስ ሰነት እት ሐንቱ መራቀቡት (ሐዝቤ) እግል ልጽነሕ ቀድር። ዲብ ቀበት እሊ ናይ መራቀቡት ወቀት፡ ክም ኢትሰየሕ ለለአሸር ጠባዬዕ ዶል ልትረኤ ዲቡ ሳኪን፡ ለዐተቀት እምበል ሸርጥ እንዴ ትሸጠበ ለታርፋት ለዐለየ ናይ ሐብስ ሰኔታት እብ ሐዲስ ልጃዘየን።

ፈደ ዋጅብ (Just desert) እሊ

ሀደፍ ጀዘ እሊ፡ ዲብ 1970ታት ቅቡልየት ለረክቡ፡ እግለ ቀደም ኣዜ እብ ኣቅሰኖት መርባት ልትአመር ለዐለ ሀደፍ ጀዘ ለበደለ ገብእ እት ሀላ፡ ንዛም ጀዘ ቃኑን ጀሪመት ኤረትርያመ፡ አሳስ እንዴ ወደዩ ለፈግረ እቡ ሀደፍ ቱ። እሊ ሀደፍ እሊ “... ፈደ ክትፈት ናይለ እት ክል ምዕል ፍርድ ናይ ሐምዴ ወሕሚት ቱ። ምጅተመዕ እግለ ዐገበ እግል ልጃዜ ወእግለ አሰነ እግል ለሐምድ ጠቢዒ ቱ”... ወለመሰሉ... ምን ልብል መፍሁም ሰበት ልትበገስ ለብዕድ ኣህዳፍ ጀዘ ዲብ ኣነኩ ዲብ እንቱ ምጅርም ዐውል ናይለ እሉ ወደ ምጅተመዕ ለኢልትከበቱ ጠባዬዕ ጀዘ እግል ልትሐከም እቱ ለአስትህል፡ ዲብለ ትብል ክሳስት እንዴ በጽሐ፡ “ፈደ ዋጅብ” ክም ሀደፍ አሳሲ አሳሲ ለወዴ ወእግል እሊ ሀደፍ እሊ ለለትመቃራሕ ንዛም ጀዘ ለለአዳሌ ዐገል ጀዛቱ። ፈደ ዋጅብ አሳሲ ሀደፍ ጀዘ እንዴ ወደ ለልዳሌ ቃኑን ጀሪመት፡ ሓልፍ ታርፍ ወለኢትሳነኻ ፍርድ እግል ኢለሀሌ፡ ለተአከደ ወምን ቀዳሙ ለልትአመር ጀዘ እንዴ አዳለ እግል ሐቱ ዛህረት ጀሪመት፡ ለልትየመም ለትወቀለ ወለደሀረ ሕዱድ ጀዘ ክምሰል ጨብብ ወዴ። ቃኑን ጀሪመት ኤረትርያመ እብ ክእነ ለትዘከረ ኣግቡይ ጀሪመት ለትቃነ ንዛም ጀዘ ለከምከመ እት እንቱ እንረክቡ።

ክእነ ዲብ ለዐል ለትሸረሐ በገ፡ ሀደፍ አሳሲ ናይ ቃኑን ጀሪመት፡ ክምሰለ ዲብ ቃኑን ጀሪመት ኤረትርዮ ብዩን ለሀላ፡ ዛህራት ጀሪመት እንዴ ከርዐኩ፡ ሰርዐት፡ ሰላም፡ ደሐን ወጠን ወኔብረተ፡ አድመኖት፡ ዲብ ተጠውር ዋለየት፡ ገብእ ዲብ ሀላ፡ ዲብ እሊ ሀደፍ ሰዒድ እግል ልትበጸሕ፡ እብ ኣውለውየት እግለ መጅተመዕ ለኢልትከበቱ መታክል ሰላም ወንዛም ላቱ ጠባዬዕ ወድ ኣዳም ወለለአጀርዮ ጀዘ እንዴ በዩንክ ወአወጅኩ መጅተመዕ ክም ለአምርም ከምን ኪደቶም ክም ልትሓፈዝ እንዴ ወደ ዛህራት ጀሪመት ከፊዕ። እግል እሊ እብ ቃኑን ለትሆብ ተሕዘራት፡ እንዴ ኣምሸሽ ምኑ ጀሪመት እግለ ዕዱ መጅተመዕ ህዩ፡ ዲብ ገጽ ፍርድ እንዴ ቀርቡ፡ ክምለ እት ለዐል ለትዘከረ፡ እብ ገበይ ጀዜ፡ ብዕድ መዋዲት ጀሪመት ከፊዕ።

መባድእ ቃኑን ጀሪመት ኤረትርዮ

ክምሰለ እተ ለሐልፈት ጠብዐት ለትሸረሐ ቃኑን ጀሪመት ዎሮ ምን ኣግደ መሻቀዩ መዳፈዐት ጀሪመት እት ገብእ፡ ዎሮ መጅተመዕ ለኢልትከበቱ ጠባዬዕ ምስለ ሰብቡ ጀዘ እንዴ ፈሰለ እብ ኣወጅት

እግለ መጅተመዕ ዋጅብ ተሐዝር እንዴ ሀቤ፡ እግለ ከይዱ እብ ጃዘዮት ኣሕዳስ መዋዲት ጀሪመት እግል ልዳፊዕ ለትሰተታ ቱ። ጀዘ ልትበህል እት ህለ ክምሰል ኣይዋኑ ቃኑን ለተበዐ ሐደዶት ሕቁቁ አርወሕ፡ መምተለካት ወናይ ሐረከት ሕርየት ለሰብብ ምሳዳራት ትሩድ ሰበት ገብእ፡ ነፈር ላጼሕ እብ ጌገ እግል ኢልትለከም፡ እግል ቃኑን እንዴ ጠይዐ ኣሰክ ገይስ ህለ እብ ደማን ታመት ምዕላይ ሐያቱ ጀላብ እግል ልሳይር፡ ምጅርም ለገእ ሌጠ ምን መጅተመዕ እንዴ ዓፊክ እግል ኣፍገርት ለለአቀድር ኣግቡይ እግል ለሀሌ ለትሐዜ። ጀራይም እግል ኣትጫራይ ወምጅርሚን ኣሰክ ቤት ፍርድ እግል ኣቅረቡት እግል ልትሐለፍ ለቡ ኣሰሉል ሰርዐት ፍቴሕ ጀራይም፡ እግል ላጽሓም ዲብ ሐያቶም ኣረይ ናይለ ኢተሐዘ መዋዲት እግል ኢልግበኦ መደጋግ ዛይድ ለጠልብ ቱ። ቃኑን ጀሪመት በገ እበ ዎሮ ምጅርሚን ጀዘ ዋጅብ እንዴ ኢልትሐከም እቶም እግል ኢልጅረጦ ወእበ ካልእ ህዩ ላጽሓም እብ ጌገ ኣሳሲ ሕቁቆም እግል ኢልትሐደድ ሚዛን ለለአጽብጥ ኣግቡይ እንዴ ከምከመ ልዳሌ። ዲብ እሊ ኣርእስ እሊ በገ፡ ቃኑን ጀሪመት ኤረትርዮ ምን ካትቡ ለህለ ላጽሕ እብ ጌገ እግል ኢልትዐገብ ለዳፊዕ እቡ መባድእ እግል ንርኤ ቱ።

1. መብደእ ቃኑንየት፡ እሊ መብደእ እሊ ለገብእ ነፈር እምበል ቃኑን እግል ኢልትፈረድ ወኢልጃዜ ለዳፊዕ መብደእ እት ገብእ እብ ሐምስ መባድእ ነኣይሸ ልትሸረሕ። ህቶም ህዩ፡

1.1 ለገብእ ነፈር እብ ቃኑን እብለ ኢትመነዐት ጠቢዐቱ ኢልትጃዜ

ለሰልፋይ ዲብ መብደእ ቃኑንየት ለከምከም መብደእ ንኡሹ፡ ለገብእ ነፈር ዲብ ወክድ ሐደስ እብ ቃኑን እብለ ኢትመነዐት ጠቢዐቱ (ምን ለሐድግ ኣው ወዲ) ምጅርም ኢልትበህል ለልብል ቱ። እሊ በህለት ህዩ፡ ሐሬ ዲብ ፍዕል ለወዐለ ቃኑን ጀሪመት ዎሮ ነፈር እግለ ወደዩ ሐዲግ ኣው ወዲ ጀሪመት ምንመ ልብሎ፡ ኣዜ ልሸቄ እቡ ለህለ ቃኑን ጀሪመት ለኢመንዑ ወዲ ኣው ኢወዴ፡ እብለ ሐሬ ለተአወጀ ቃኑን ምጅርም እንዴ ትበህለ እግል ልትፈረድ ኢወጅብ በህለት ቱ። እሊ መብደእ እሊ ሙዋጥኒን እዉጅ እብለ ኢጸንሐ ቃኑን እግል ኢልትፈርፈዶ ለመኔዕ ቱ። እብ ተውሳኩ፡ ዲብ ወክድ ሐደስ እብ ጀሪመት ለኣጃዜ ለዐለ ውዳይ ኣው ኢውዳይ እብ ለተአወጀ ቃኑን ሐዲስ እግል ልትሸጠብ ገብእ ምንገብእ (ለናይ ጀሪመት ጠቢዐቱ ኣብደ ምንገብእ) እበ ኣሰልፍ ለሐሰለ ውዳይ ኣው ኢውዳይ

እግል ልትአሰስ ሕሱብ ለዐለ ሸክ ጀሪመት ኣው ቀዴማዩ ለተአሰስ ሸክ ጀሪመት ለልደበእ ክምቱመ እሊ መብደእ እሊ ወዴሕ።

1.2 ኣብያት ፍርድ ዲብ ቃኑን ለኢትክተብ ጀዘ ኣው ምስዳር ኢቀርር

እሊ ዲብ መብዳእ ቃኑንየት ለልትሐፊድ መብደእ ንኡሽ እሊ ኣብያት ፍርድ ምን እብ ቃኑን ለተኣዘዘ ኣጅናስ ጀዘ ለትፈንተ እግል ኢልቀርር ኣው ምስዳር እግል ኢልንሰእ ለከፊዕቱ። እሊ መብደእ እሊ ፋርደት ጀዘ ዲብ ቀረርት ምን እብ ጀህት ሸርዕየት ለተኣዘዘ ኣጅናስ ጀዘ እንዴ ፈግረው፡ እግል ሙጅሩሚን ዲብ እሙር ለኢገኦ ወእት ነሐሮም ለበትክ ዕስ ጀዘ እቱ እግል ኢልትካረው ክም ልጃም ለነፊዕ መብደእ ቱ። እት ረኣስ እሊመ ጀሪመት እግል ዎሮ ናይ ጀሪመት ጀዘ ኣው ጠለቅት ለልትብየን እቱ ጀዘ ለትውቀለ ወለትደሀረ ሐድ እግል ልግበእ እቱ ኣው እሙር ሕርያን ጀዘ እግል ልትብየን ላዝምቱ። እሊ ህዩ ሓለት ፈጽም ጀሪመት ቱልል ሸኩይ ወመስለሐት ሙጅተመዕ እት ወግም እንዴ ኣተ እብ ኣሳሰለ ቃኑን ለለኣዝዞ እት ቀበትለ ትውቀለ ወለትደሀረ ሐድ ጀዘ ዲብ ኣቅለሎት ወኣክበዶት እግል ልስዴ ቀድር። ሰበት እሊ ዳንያታት ምን እብ ቃኑን ለተሆብየም ሐድ ጀዘ እግል ልፍገሮ ልግበእ ወእግለ እብ ቃኑን ለትቀረረ ጀዘ እንዴ ኣዝመው ብዕድ እት ቃኑን ለይህለ ጀዘ እግል ኢልሕከሞ ለለዕቅብ ቢያን ወመብደእ ቃኑን ጀሪመት ቱ።

1.3 ለገብእ ነፈር እት ወቅት ውዳይ ጀሪመት እት ቃኑን እብለ ኢተኣዘዘ ጀዘ ኢልትጃዜ

እሊ ሳልሳይ መብደእ ንኡሽ ቃኑንየትመ፡ ኣብያት ፍርድ እት ወክድ ሐደስ ጀሪመት ለይዐለ ጀዘ እግል ኢልሕከም ለመኔዕቱ። እግል መሰል እት ወቅት ሐደስ ጀሪመት እግል ጀሬት ጀሪመት እብለ ኸስስ ቃኑን ቢያኖ ለዐለ ኑዕ ጀዘ እስሮ ዲብ ገብእ፡ ለትውቀለ 5(ሐምስ) ሰነት እስሮ ጽኑዕ ገብእ ምንገብእ ከእት ወቅት ፍርድ ለተአወጀ ቃኑን ሐዲስ እግለ ጀዘ ዲብ 10 ሰነት እስሮ ጽኑዕ ኣው ኣሰክ እሊ ሐሬ ለተአወጀ ቃኑን እንዴ ኢገብእ እብ ኣሳሰለ እት ወቅት ሐደስ ጀሪመት ለዐለ ጀዜ፡ በህለት፡ ምን በዜሕ ሐምስ ሰነት እስሮቱ ለቀርር እሊ መብደእ እሊ። እሊ መብደእ እሊ፡ መዋጥኒን ጀሪመት እትለ ለኣጀሩ እቱ ወቅት እብለ የዐለ ለይለአሙሩ ጀዘ እግል ኢልትጃዘው ዳፊዕ። እብ ቃብል እሊ ሳኪን ለእት ወቅት ፍርድ

ለተአወጀ ቃኑን ሐዲስ እግለ እት ወቅት ሐደስ ጀሪመት ለዐለ ጀዘ ለለኣነቅስ ገብእ ምንገብእ ሙጅተመዕ እብ ሰበትለ እብ ሙጅርም ለጀሬት ጀሪመት ሰቆሁ ናቅስ ክምሰል ህለ ለለርኤ ሰበት ገብእ፡ እግል መስለሐት ናይለ ምጅርም እብ ኣብያት ፍርድ ለልትሆብ ሕክም ጀዘ እብ ኣሳሰለ ሐዲስ ለተአወጀ ቃኑን እግል ልግበእ እሊ መብደእ እሊ ቀሰብ።

1.4 መብደእ እብ ኣትመሳሳል ጀሪመት ኢከሊቅ፡ እሊ መብደእ እሊ ኣብያት ፍርድ እብ ኣትመሳሳል ዲብ ቃኑን እብ ዋዴሕ ለኢትክተብት ጀሪመት እግል ኢልክለቅ ወኢልጃዜ ለመኔዕ መብደእ ቱ። ኣብያት ፍርድ “ኢዋዴሕ ቢያናት ቃኑን” ናይ ተርጀሞት ሰልጠት ቡ። ሳፊ ቃኑን ለልትበህል እግል ለሀሌ ሰበት ኢቀድር፡ ዳንያታት ለትቀረረ ቃኑናይ መባድእ እንዴ ተበዐው ኢዋዴሕ ቢያናት ቃኑን እግል ልተርጅሞ ሰልጠቶም ቱ። ቃኑን ጀሪመት ኤረትርያመ ዳንያታት ሸክ ለተአተውዴ ተርጀመት ዲብለ ህለ እቱ ቢያን፡ እብ ኣሳሰ ደሚር ወሀደፍለ ቢያን ወጀህት ተሸርዕየት እበ ተሐሰበ ተርጀመት እግል ልተርጅሙ ሰልጠት ለኣለብሶም። ምኑ ወኬንመ ኢዋዴሕ ክልኤ ኣው ዝያዳሁ ለበ ተርጀመት እግል ለህብ ለቀድር ቃል ዲብለ ሳድፍ እቱ ወክድ፡ ዳንያታት እግል ሸኩይ እበ ሰፊሕ ኣግቡይ ተርጀመት እግል ልሆቡ ክምሰል ወጅብ ቃኑን ጀሪመት ኤረትርዮ ቢያን። እሊ መብደእ እሊ፡ ኢዋዴሕ ቃኑን እግል ልተርጅሞ ሰልጠት ለሶም ጀሃት እግል እለ ሰልጠት እለ እንዴ ትነፈዐው፡ ዲብ ቃኑን እብ ዋዴሕ ለኢትክተብት፡ ምስል ደሚር ወሀደፍ ቃኑን ጀሪመት ለኢትመሳሳይ ምን መስኢት ጀህት ተሸርዕየት ለፊመት ጀሪመት ሐዳስ እግል ኢልክለቆ ወኢልጃዙ ልጃም እግል ዊደት እንዴ ትበህለ ለአተ መብደእ ቃኑን ቱ። ቃኑን ናይ ተርጀሞት ሰልጠት እምበል ገበል እብ ኢዋዴሕ መምርሒታት ሕር ዶል ገብእ፡ ለተርጅም ጀህት “ኢዋዴሕ” እግለ ቱለቱ ቢያን፡ ኣብ ኣሳሰ መሕበራይት እቅትሳድያይት ወናይ ዓዳት ከልፍየተ፡ ኣብ ኣሳሰ ምዩለ ወሸዑረ ሰኒ ወኣማን ለትመጠጠት ተርጀመት እግል ተህብ፡ ጀህት ተሸርዕየት ለኢቀስደተ ጀሪመት ሐዳስ እግል ትክለቅ ባብ ለለኣርሔ እግል ኢልግበእ ለትሸገረት ዓቅቢት ቱ። ሙዋጥኒን እበኢተአወጀ፡ ለኢትሸረሐ እሎም ወለኢለአሙሩ ቃኑን እብ ጀሪመት እግል ልግለሶ ገብኣው ምንገብእ፡ ኣኪደት ቃኑን ለህሰስ።

ዲብ ገጽ 10 ለአተላሌ



ዕንቁረ



ክልሉም መሐመድ



“ሕጅብት ድኢኮን ዕውር የአነ”

መዐልመት ዐረፋት

እት መዲነት አቁርዶት እት ካልእ ደረጃት ሙደርሰት ታሪክ ላት ሕጅብት ዐረፋት ሰዒድ ዑመር ምስክነ ምን ቀረደ ክም የአትረፈየ እት ሐልፈ ክፈል ርእያም ዐልኹ። ዲብ እሊ ናይ ዮም ካልኣይ ወናይ ደንገበ ክፈል ሀይ ምን ጀህት ሙጅተመዕ ሌጠ እንዴ ኢገብእ ለአንሳት እግል ኖሰን አነነን እት ሙጅተመዕ እግል ለአሰብተ ሚ ጅህድ ልትሐዘ ምንን ወምሰሉ ለገይሰ ቀድያት ዲቡ ረአየ እግል ተህብቱ ቅራኣት በኪተት።

እለ መቃበለት ለወደ ምስላ ሰሕፊ ሙሰመሐመድ ኣድም(ወድመንደር) አዋልድ አንሳት ለተአሰትህለን አነን እግል ኢልብጸሐ ለከረዐን ሚቱ? ለሙጅተመዕ በኩ ልትሐሚ መህተገመ ኖሰን ነፍሰን ጨቅጠ ሀለየ? እት ልብል ክም ትሰኣለዩ። መዐልመት ዐረፋት ሰዒድ እሊ ተሌ በሊሰ ሀበት።

“ለሙሽክለት ምን ክልኢቱ እትጃህ ሀሌት። ለሙጅተመዕ አስክ አዘ። ሙሽክለት ሀለ። ጸር አዳም እምበል እግል ልግበኣቱ። ልድረሰ ወኢልድረሰ ሂልናቱ እምበል ኖሰን እግል ንርፈዐንቱ ልብሉ። ላመ ሕጅብ አው ለመስኪን ሀይ እድረሰ ወይእድረሰ ለእወድየ ሚ እንዴ ሀሌት ቱ! ለልብል ፍክር ልትረኡ እቱ። ለደርሰ ወሊደርሰ ኩሉ ሐቲቱ ለትብል ሂገ አወል እትሊ አዘ ዲብ በሲር ሌጠ እንዴ ኢገብእ እት ኩሉ ትሰመዕ ለሀሌትተ። ለደርሰ ወኢደርሰ ሐቲቱ ለልትበህል ኢሀለ። ዳርሰ ዮመቱ ክለ ለእለ ለሐዘ ምን ኢረክብ አልሐምድለህ ወረብልዓለሚን እትሊ ውቀት እሊ ክል ኦሮ እበ ግድረቱ ወእበ ደረጃቱ ለዐይር ወልፈረር ከኡብ ድራረቱ ለኣቱ ሀለ። ላመ ረምቅ የምክን እንዴ ረምቅ ውዕል ዐለ እብ ርያል ወክልኤ ርያል ለዐይር ገብእ። ለደርሰ ላኪን ሽቄ እንዴ ውዕል ዐለ እት ሸሆር ማህየት ሰኔት ነስእ ምንገብእ ፍሬ ናይ ለሀበቱቱ። ረአሱ ራፊዕ እት እንቱ ረክቡ። ምን ለተዐቢ ንዕመት ሀይ አለቡ። እግልሚ ትልህብ ሀሌክ ወፍሬሁ ሀይ ትትህየብ ሀሌክ” እንዴ ትቤ እተ ናይ አንሳት እብ ፍንቲት አቅበለት።

“እምበለ ጨቅጦም ሐጨር አው ዕምቅ ለአለቡ ገበይ ተፍኪር ናይ ሙጅተመዕ ሀለ። ለአንሳት ኖሰን ሚ ልብሉ። ያኼ አዘ አየ ደረጃት እግል ንብጸሐቱ! እግል አዘ ለገብእ ልግበእ እግል ርሕነ እግል ንዋሌ እበ ለእንቀድር ይእንወዴ። ምን ለዐል ወተሐት እግል ሊበል ዲቡቱ። ምን እግል ልድረሰቱ ለልብል ተፍኪር መስኪን ለወድየ ሀለየ። አፍካር ሓጨር እግል ቲዴ አለብከ። ሐቅ ንዳል ረይም ዐውቲ ክም ሀሌት እግል ተኣምር ብከ። እግል ገብእ እትክ ጨቅጦ ናይሉ ሙጅተመዕመ እንተ ትም እንዴ ትቤ እግል ትጨቀጥ እሉ አለብከ። ምር ‘ሀየ እትሊ በርሚል እቱ። አነ



እግል እድበኣካቱ’ ልብላክ እት ሀሌ። እግልሚ ትደበኣኒ ሀሌክ አነ እግል እርኤ ወእስመዕቱ ሚ ገብእ ሀለ እግል አምር እግል ኢጊሰቱ። እግል እብጸሐ ወእድሌቱ እግል ቲበል ሀለ እግልክ እንድኢኮን። ሙጅተመዕ ክም ጨቅጠክ እግል ትጨቀጥ ዋጅብ ኢኮን። ሀሌክ ኖሰካቱ ወበዴክ ኖሰከ። ከፈሀም ናይሉ አዋልድ አንሳት ሸወየ እብሊ ለልትረአየን ናይ ውቅቱ ሐል ልትከረዕ ሀለ። እት ምስኩናም ሌጣመ ኢኮን። ላመ ልርእየ ሐዋትቼ ናይ ውቅቱ መሻክል እቡ እንዴ ትከረዐየ ሐያተን ዲብ ለኢፈግረ ምን መራት ለለአተርቃህ ሀለየ” እንዴ ትቤ ናይ ዶሉ መሕገዝ አረቴዕ ሀሌኮ እንዴ ትቤ ዲብ ናይ ዲመ ተማሰ ምን ሕኔት ተኣቱ። ለናይ ዶሉ መጋዴዕ እንዴ ተሐመልክ እት ናይ ዲመ ረህየት ምን ተኣነጽር ክም ልትፈደል ወሰዓደት ዳይመት ክም ትረከብ ምኑ ተኣፍህም።

አወል ወቀደም ኩሉ ልትዐለመ ትብለን እግል ሐዋተ ወእማተ። ተዕሊም ሐይሰ ለአለቡ ሰለል አስክ ዐቦት ክምቱ እብ ኩሉ ገጸ ተኣምን መዐልመት ዐረፋት። “ፈጅር ክም ደረሰክ ወክም ተዐለምክ ለተርፈክ አለቡኒ እግል ተኣትምዎ ቀልል” ትወስክ። ልርኤ ልግበእ ወበሲር እት ሐያት ብዙሕ መሳእል ዋጀሆ። ዲብ ምግብ ድራሰተን ፍቲ እንዴ ሳይፈተን እብ አፍካር ሐጨር ምራደን እንዴ ኢበጸሐ ለልትዐጠለ ልትረክብ። ወምን ገበየን ክም ለአወልጠ ለወድየን ብዙሕ ሕሳባት ለሀሌ። እሊ ላኪን እብ ረኣይ ዐረፋት ለእለ ተሐዘ ሰኒ እንዴ ፈጠንካህ እት መግዋርክ ሰቢቱ ሰራዩ። ህተ ለኢትፈትየ ህግየ ሀሌት ምንገብእ ምን ሄራርክ እግል ትትህኪ ለወዴክ ክም ናይ ሰኔትክ እንዴ መሰል ላልትላከፍ ሀገጊት ቱ። እሊ ሀገጊት እሊ ልንክ እንዴ ሀብካሁ እግሉ ጀግሐክ ምንገብእ ደሚርክ እንዴ ኢልትረየሕ ሐያትክ ሰርሰር ዲብ እንተ እግል ትክልሰ ለቀሰብ ሰበትቱ አንሳት እብሊ መሰል ሀገጊት እት ገበይ እግል ልትረፈ ሀይ በታተን ኢተሐዘ። ህታመ ክእን መሰል ነሳይሕ የሐደ ዲቤ። “እት ሙጅተመዕነ ሚ ሀለ። ያኼ ሚርሓይኪ ውላዴ እግልኪ ለልብል ርከቤ። እት

መድረሰት ልትከለሰ ሀለ ለልብሉካመ ሀለው እለ አነ ብዙሕ ዲብ ሐያትቼ ለትሳድፈኒ ሙሽክለት ተ። ፍላነት ወለት ፍላንመ ክነ ወልደት መድርሰተ እት ምግብ አዝመት ምን ከሚርሓየ ወልደት ከሚርሓየ ዐበ እለ ልብሉከ። ሰኒ። አነ ዮም መድረሰቼ አትካረምኮ ከሚርሓየ ወለድኮ መሰለን። እሊ ሚርሓይ።

እሊ ውላጄ እግሉ ለልትሐዘ ሓጃት የአዳሌኮ ምንገብእ። ገበይ ረቢ እግል አጽብጦ ኢገኣኮ ምንገብእ ፈጅር እብ አማን እግል ልምረሐኒ አውመ አነ ለእብቤሎ እግል ሊዴ ቀድር? እግል እድረሰ ወደረጀት እግል እብጸሐ ሀለ እግልዬ ወሊድ ለሀይ እት እዴ ረቢቱ። ረቢቱ ለሀይሰኩ። እንዴ ደረሰክ ወእንዴ ተዐለምክ ምን ትወልዱ ሀይ እግል ሰኒ ትረብዩ ወተዓብዩ ትቀድር።”

ዐረፋት ለእለ ኣ’መት ዐለት በጽሐቱ። እንዴ ተዐለመት እግል ተዐልም ባቅዐት ገብኣት። እብ ለሀበተ ድራረ መልከት ለሰብእ ወፈተቸ ዳናክ ዲቡ ለዐለው ህዳይመ እብ ምዕሉ በጽሐቱ። “አልሐምድልሃሂ ረብልዓለሚን አነ ክም መሰል በሀለትቱ። ክምለ ሀደፍ ለእግሉ ብግሰት ዐልኮ መድረሰትቼ አትመምኮ ወሐቆ አርበዕ ሰነት ደረጀት ናይ ድራሰቼ ሐቆ አድረሰኮ ሀይ እትሊ ወቅት እሊ ምስል ሐቶ ከምስልዬ ለመሰል በሲርቱ ህቱመ ህዳይ እንዴ ወዴኮ እብ ገበይ ሐላል ማሸለህ እት ገበይ ናይ ሐያት ህዳይ ሀሌኮ” ዲብ ትብል እግል ኩሉም ፈታደም ሰኔተ በሸረት።

ዐረፋት ዳርሰት ምን ኢትገብእ ክም ወለት አንስ ወበሲረት እት ዲቡ ትወለደት ወዐቤት ሙጅተመዕ ሐያተ ሚ ወመሰለት ገብእ? መንበር ለእምበል ምህር ትነብረ ሀለየተ ለተአቀዌ ክም ወገብኣት ቱ ለሸርሐት።

“ወላሂ እሊ በኻት ድራሰት ምን ይእረክብ እተየ ወሀሌኮ ዛቱ ለሀለየቼ ወቀዌኮህ እግል ኢበለክ እቀድር ወድመንደር። ወኢሀሌኮኒ። እግልሚ በክት ድራሰት ለኢረክበት ዐረፋት ወሕጅብት እንዴ ኢገብእ ላመ ልርእየ ሐያተን ለትፈንጠረት ሐዋትነ እትሊ ውቀት እሊ ከፎ ሓሰት እተ ሀለየ እርኤ ሰበት ሀሌኮ አነ ወኢሀሌኮኒ እግል ኢበል እቀድር። እግልሚ። ዋልዳዬ ወዋልዳይትቼ አስክ ምዶል እግል ልምርሐኒ። አስክ ምዶል ? ለሐያት ለዲብ ለዐልኮ ምስለ ሙጅተመዕነ ለነብር እቱ ሰብክ ወሳገምት ዐለ ። አነ ላኪን አለ የርሐሙ ዋልዳዬ እብ አማን እንዴ ደጋገምኮ እግል ዋልዳዬ ለሐምዶ በኻት ድራሰት እግል እርከብ ምን ሰዴኒቱ። ሐቱ

ምዕልመ ዋልዳዬ ምን ድራሰትቼ እግል ኣብክር ለሐዘ የዐላኒ። ዐረፋት ወለትቼ እትሊ ዓይላትነ አው እት መጅተመዕነ እብኪ ለመጽእ ገሌ ተቅዩር ልትረኤኒ ሀለ ልብለኒ ዐለ” እንዴ ትብል እብ ፈድል እለ ሩእየት ቁሪት ናይ ዋልዳየ ለዐል ሰናተ እግል ትግበእ ሰበት ቀድረት አነን ዋልዳየ ብዙሕ ዐባይ ዲብ ክምተ ተኣፍህም። ዋልዳየ ሰኔት ዘርኣ ድኢኮን ለፍሬ እብ ዕንቱ እግል ልርኣዮ ዕምር ኢረክብ። ዕረፋት ላኪን ፈኩ ሰበት ኢበደ ዘርኡ ክም በትክ ወጠዐም ፍሪሁ ክም አዳወረ ተሐሰበ።

“ዋልዳዬ አነ ዓሰራይ ዲብ እደርሰ ዲብ ከረን 2004 ትወፈ። ደኣም መድሐራቼመ ምን ኢልርኤ ማሸኣላ ወትባረከለ እት 2011 ዋልዳይቼ ወእግለ አማነት ናይ ዋልዳዬ እንዴ ረፍዐ እሊ በክት ድራሰት እግል እርከብ መጦርየ ለገብኣ ሐቶ ምንኣሼ ሐድረወ። ዋልዳይቼመ ምን አቡዬ ወድዮ ለዐለ እንዴ ተሐተት ኢኮኒ አውመ እግል እንዴ አናኣሽኮ ወለሸቀለ እንዴ ቀብብኮ እንዴ ኢገብእ። ዋልዳይት እትሊ ውቀት እሊ እንዴ ሸቀት እግል ተኣንብር እተ ለሀሌን እቱ መጅተመዕ የሃለኒ። በክት ሸቅል አለብክ ወገሌ። በሰ ዋልዳይ ለሐርሰ ወዋልዳይትክ ትዋሕን ወተበለዐከ። ለሐቶ ለመሕሙልየት አው ለመስኡልየት ናይ ዋልዳዬ ረፍዐየ። አማነትክ እለ ዐረፋት ወለትቼ ሰበት ቤለዩ እበ ለትትቀደር ወደ። እግልዬ እግል ለአድርሰ መድረሰቱ እንዴ ሐድገ ላሊ ወአምዕል እንዴ ሸቀ አስክ ደረጀት እበጸሕ መጦርዬ ለበዋረ ህቱቱ። ዋልዳዬ ወላመ ኢልርኣየ ክም ረኣዶቱ እግልሚ ፍሬ ናየቱ ... አነ እግል ልርኣየ ወሐዘኮ ላኪን እግል ርሐ እንዴ ቤለ ኢኮን ላሊ ወአምዕል

ልትዕብ ለዐለ እግል ርሕዬ እግል እግበእ ሰበት ለሐዘ ዐላቱ። ገኣኮ እሉ ሀይ። ወእተ አካኑ እንዴ ሀለ ጋኑ ሰክቤ።”

መዐልመት ዐረፋት እት ደንገበ ናይ እለ መቃበለት ለተሓልፈ ልኢከት ሀሌት እለ “እበ ለትፈናተ አሰባብ ምስክነ እደይ። እገር። እዘን(ጸመም) . . . አዩ መሻክል ለብኢተን ሐዋትቼ ድረሰ ወተዐለመ ርሕክን እግል ትቅደረ እብለን። ክል ኦሮ ደርሰ ምንገብእ ምህነት እግሉ ለትገብእ እግል ልርከብ ቀድር። መሻክል እደይ ለብኢቱ እምበል እደይ ለልሸቄ እብ ፍክር ሐንገል ለልሸቄ ሓጃት እግል ልርከብ ከኢቱ እግል ልሸቄ ቀድር። መሸለ ወትባረከለ እትሊ

ዱር እሊ ረኤኑ ምንገብእ በሲር ለይአለበ መድረሰት ሀሌት እግል ልትበህል ኢልትቀደር። ጽሙማም ሐውናመ እት አነን ኽያጠት ጊሰክ ምንገብእ ህዮም ጸንሐክ እሊ ሀይ ፈድል ተዕሊምቱ። ለይደርሰ እግል ልኸይጥ አውመ ሀይ እግል ልሸቄ ኢቀድር። በኻት ድራሰት ዲብ ሀለ ለኢረክበም ጸማይም በሲሪን ወብዕድ ምስክነ ለዐም ሀይ ብዝሓም ቶም። እሊ ሀይኒ ዋልዳዮም እት ለአምር ዋይዳመ ሀለው ምንገብእ ወንጌሉም እግል ኢልብጸሐም ጸርም እግል ልክረው ወእብ ዐደም ፈሀም ወደወ ምንገብእ ሀይ ለሀይ ኩሉ ዲብ ረቢቱ” ሐቀለ ትቤ ለመስኡልየት ዋልዴን ሌጠ ጸብጠት ሰበት ኢኮን ኩሉ ለሙጅተመዕ መስኪን ከፎ ርሐ ረፊዕ እግል ልሕሰብ ወልትሳዴ ክም ወጅብ ኢነሰቱ። ኩሉ መስኪን መንበርሁ እግል ትቅለል ወሬፍዐቱ እግል ኢለኣክብድ እግል ልድረሰ ደሩሪ ገብእ እት ሀለ አንሳት ሀይ እግል ድራሰት ዝያድ እህትማም እግል ለሀህህ ክም ለአትሐዘ መክረት።

“አንሳት በክት ተዕሊም እተለ ረክበየ ዲብ ኢነት እግል ልድረሰ ሀሌት እለን። እግልሚ መድረሰት ዕምር ኢትፈናቱኒ። አስክ አዘመ ንዩት መድረሰት በን ምንገብእ እግል ልድረሰ ለአነን ፍትሕት እለንተ። አነ ክም መሰል ዲብ ጋሽ በርክ ዲብ አቀርዳት ሰበት ሀሌኮ። እትሊ አቅሊም ለነብር ምን ድራሰት ቅሰመቱ እግል ልርከብ ለሐዘ



ወገበይ እግል ለአምር ሐብሬ ገበይ እግል ልንሰእ ለሐዘመ ሀለ ምንገብእ አነ እበ ለትትቀደረኒ እግል ከምስልየ መሳኪን ለሀለው ሐውዬ እግል እሳዕድ ዱሊት አኒ።”

ዐምድ ዕንጃራመ እግል መዐልመት ዐረፋት ምራደ እግል ልትመም እለ ዲብ ልተምኔ ወእግል እለ መቃበለት ለወደ ሰሕፊ ሙሰ(ወድመንደር) ዲብ ለሐምድ። ክል ዕዱ ሙጅተመዕ በደል ምን ናይ ዶሉ ሰፍረ ወዕርቅነ ለተኣነግፎም ሰዳይት ለሀይብ። ምስኩናም ርሐም እግል ልቅደር ለሰድዮም ሐል ዳይም ዲቡ እግል ልሕሰብ ወልሰዴ ለሀሌት እሉ ደማነት እት ቁርኣት እግል ለሓልፍ ቀልቡቱ።



ሃራር ክስክ ተሕራር ነቅፈ

ዶክተር ተሸላኝ ፍቃዱ “ሃራር ምን ነቅፈ አስክ ነቅፈ” ለልብል ክታብ ዐቢ ካትብቴ፤ ለክታብ እብ ከማሉ እት ዓሙድ ሰጅል እግል ልፍገር ምንመ ኢቀድር፤ ቀደም እለ ገሌ ምኑ እትሊ ዓሙድ እሊ ፋግር ዐላ፤ ምስል ዐመልየት ተሕራር ነቅፈ ወከርዶን ነቅፈ ተእሲሲል ናይ እስተንቡረት ውሕደት ዐመልየትም ለትዘከርተ፤ ዶክተር ተሸላኝ ብርሃና ህዩ ለውሕደት ዐመልየት አሰሰው ናይ ሰልፍ ሐካይም ጀብህት ሸዕብየት ዐለው፤ ከሐርብ ነቅፈ እት ናይ ደንገብ አውካድ ሚ መስል ዐለ ወእብ ከኣፎ ተአምቡተ ለከሰሰ ጽበጥ ሓምሳይ ክፈሉ እግል ንርኢ፡-

እብሊ እኩይ መናሰባት እት ጅማዐትነ ለጀረ ጅረሕ ወእስትሸሃድ እበ ጀህት ለሐቲ፤ ሻፍጋም ሰበት ዐልነ ህዩ እበ ካልእ፤ እህትማምነ አስክለ ናይ ግብለታይ መዐስከር ወዲነ፤ አስክለ አካን እግል ንትዐዴ እበ እግል ክልኢቱ መዐሳክር ለፈንቱ ወዴጋይ እግል ንሕለፍ ህዩ ይሐረግረግነ፤ እበ ሸንከት ምውዳቅ ጸሓይ ገጸ ለተአቀምት መንገአትለ ዘርቡት እንዴ ፈገርነ እግል ከሌብ ነሐልፋ ዲብ ህሌነ ህዩ ለበርሄ ጸዕደ ለትጀረሐ እት አካን ሐቲ ዶል እንዴ በጠርነ ረኤናህ ወእባሽ ሸንከት ግብለት ምውዳቅ ጸሓይ ተሀርቡብነ፤ ዲብ ምግብለ ወደግ እንዴ ይእንበጽሑ፤ እሳት ለነደ ሰዐር ወለሐረ ወእት ክል አካን ለትፈንጠረ ትናክ እብ ብራቁ ናይ ሶፕራል ረኤነ፤ ሶፕራል፤ ዲብ አስመረ ለህለ ነብረ እት ትናክ ለለዐሽግ መስኮ እት ገብእ፤ እት መደት ደርግ እግል ጄሽ ሌግ ቱ ስቃጥላታት ለአፈሬ ለዐለ፤ ለወደግ እብ ተማሙ እብ ጨበል ወለነደ ከተክት፤ ሰዐር ወትናክ ለትረገሐ ዐለ፤ ለአካን አልቃም ለትዘረኦ እት ሰበት ዐለት፤ ለናድድ አስዕር ወትናክ ህዩ ለአልቃም እግል ፈጀሮት ለትበህለ ክምቱ እት ዶሉ ትየቀንነ፤ ለፍንጌ መዐሳክር ለህለ አወድግ ወመዓቅቅ፤ በህለት ሙናድሊን እንዴ መልጪው እግል ልእተው እቡ ቀድሮቶም

ለቤለው አካናት ምን መትሰላል እግል ዳፈያት እንዴ ትበህለ እብ አልቃም ወእስቃጥላታት ዝሩእ ክምስል ዐለ ክልዶል እንሰምዑ ለዐልናቱ፤ ሐቆ ተሕራር ነቅፈ ህዩ፤ አንፋር ሀንሰደት ጀብህት ሸዕብየት ለአልቃም እግል ልጽረጎ እግለ ድዋራት እብ እሳት ለአነዱዱ ዐለው፤ ልብ ኢከፊት እቱ ዲኢኮን፤ ክሉ ለምን አግደ ገበይ በረ ለህለ፤ ሙናድሊን እት ልደገንቶም ልትሐረቡ እቱ ለዐለው፤

ለምስልዩ ዐለ መለህዩ፤ ግርማይ (አርበጂ) ምን ግራዩ ክልኡት ምትር እንዴ ፊማቱ ደርብዩ ልሄርር ለዐለ፤ ሱድፊት ክምስል በጠርቡ ህቱመ እብ ሸፋግ ዲብለ አካኑ በጥረ፤ ለአካን አልቃም ለትዘረኦ እት ክምስልተ ህዩ አስአልኩዎ፤

“ሚ ምን እንወዴ ለሐይሰ?” እንዴ ቤለ ትሰኣሌኒ፤

“እብለ ለመጽአናህ ገራቢት አስክለ ዐልነ እት አካን እግል ነአቅብል አው ህዩ አሰር እግር አዳም አው ሐዋን ዲብ እንረኢ፤ አውመ ሸበህ ዐባዩ እመን ረከብነ ምንገብእ እሉ ዲብ እንካይድ ገበይነ እግል ነአተላሌ ትዋፈቅነ፤ ክልኢትነ አድሕድ እግል ኢንለክም ህቱ ግራዩ ምንዩ እንዴ ፊመ እግል ለዐፊኒ ትፋህምነ፤

አክል ሕድ እት ምግብለ ሕሊል ክምስል በጸሐነ፤ አስክለ መዐስከር እግል ንብጸሕ ሰር

ሐቲ ገብኦ፤ ምን ዐልነ እት አካን ሰማንዩ አስክ ምእት ምትር ምን እንገይሱ ለዐልነ መዐስከር ህዩ ሕምስ ምትር ገብኦ፤ ሐቲ ወኡት ተ መስኪነት ለቀም ኬደት፤ ምሮ ምን ሓርያይ ቃራተ ትገረቡ፤ አምዓይተ ዲብ ምድር ትዘረኦ፤ ሐቆ እሊ ለወኡት እብ መልሃዩ ዓዕ ዲብ ትብል ዲብለ ምድር ገረሚሕ ገኡት፤ ለአስክ ሰመ ልትፈረቅ ለዐለ ዕሳስ ህዩ ገልበበዩ፤ ሕናመ ሰጃያታ (ሰኮጃታት) ወእመን እብ ረኣሰነ ድማንነ ወድገለብነ ዲብ ፋጼ ላመ ዕሳስ ሸበህ ገልበቤነ፤ እሊ ለሰመዐው ሙናድሊን ምንትፈተናተ አካናት



ተአክበው፤ ሕናመ ዲብ አካነትነ እብ ድንጋጽ ተወው እንዴ እምቤ ሌጠ ትቃሴነ፤

ለሳረሐውነ ጅማዐትነ እግልነ ክምስል ረአው ዝያደት




ገበይ ክምስል ተርፈተነ፤ ጸሊም ተናን አስክ ዐስተር ዲብ ለዐቦርግ እግል ንርኢ ወምድር ለትሀንድድ ድቅብት ክርን እግል ንሰመዕ

ደንገጸው፤ ለዲብለ እንክር ግብለት ለዐለ መዐስከር ለዐለው ህዩ፤ እግል ገረሚሕ ጋብኡት ለዐለ ወኡት ክምስል ረአው ህቶምመ ሸዕለለው፤ ምን ክል እንክር ህዩ ለትፈናተ አክራን ትሰመዐ፤ ሕነ እብ ጀህትነ ለእተ ወኡት ጀሬት ብቆት እንዴ ርኢነ እብ ጨጭ እግል ንብጠር ወመርበይነ እግል ኢንበድል ሐሬነ፤ ክሎም ልርኡ ለዐለው እግል ነአቅብል ምንመ መክረውነ ክምስል በርናምጅነ አስክለ እንክር ግብለት ለህለ መዐስከር አተላሌነ፤ ክሎም እት መሳድድ እት እንቶም አስክለ ዲብ ምግብ መዲነት ነቅፈ አስክለ ናይ ግብለት መዐስከር ለተፈግር

ገራቢት እንበጸሕ እብ ዕንታቶም ታለውነ፤ ዲብለ ገበይ ሰበት በጸሐነ ህዩ ምን ባይኡትነ ለዐለት

እግል ተአስተሸህድ ኢኮን” ለትብል እምነት፤ እምበል እሊመ፡ “ ከብድክ ሐቆ ተሐከርከ



ፈርህት ትባለሐነ፤ ገሌ ሙናድሊን ለወኡት

እስትሸሃድክ ሌጠ ታኬ” አው “ ከብዱቱ ማሚ ዝቡጥ ለህለ” ልብል ለዐለ በህል እንዴ ተርፈ፤ እብ ቃብል እሊ ቀደሙ ለዐለት መርሐለት፤ “ምን ዐጭምክ ከብድክ” ለልብል ብዕድ በህል ጠወረ፤

እምበል እሊመ፡ ቅያስ እስትሸሃድ ዲብ ሕክምነ ሰኒ ሰበት ነቅሴ ሙናድሊን፤ “እብ ርሕክ ሕክምነ በጽሐክ ምንገብእ እግል ተአስተሸህድ ኢኮን” ለልብል ረአይ ወእምነት፤ ኤማን ሙናድሊን እት ወቀሎት ለዐለ እሉ ዶር እግል ትጌምም ኢለሐይል፤ ዝያደት ፍርስነት ወበታክት ዲብ ሐርብ አርኦ፤ አስክ “ትጀረሐክ ምንገብእ ሕክምነ ህለ እግልክ” ለልብል ደማን ለክልቅ ሞዳይ ትረኦ፤ እት ዘበን ንዳል ሕክምነ ደማን አርወሐት እንዴ ወዴክ ልትረኡ ዐለ፤

እግልሚቱ ሙናድሊን ዲብ እሊ ወክድ እሊ ውቅል ደማን እት ክድመት ሕክምነ እግል ልጠውሮ ለቀድረው?

1. ዲብለ ቀደሙ ለዐለ ቴለል፤ ጅረሕ ከብድ ወእስትሸሃድ ሐቲ ለኢልትፈናቱቱ ለዐለ፤

2. ሸፍ ዐስከሪ ዲብለ ገብእ እት አካን ካፍየት ክድመት ሕክምነ ልትህየብ ሰበት ዐለ፤ ሙጃርሒን ምን ልጀረሐ አስክ ውሕደት ዐመልየት በጸሐ፤ ለወቅት ምን 45 ደቂቀት አስክ ሰለሰ ሳዐት ሌጠ ሰበት ዐለ፤ ክምስልሁመ ክድመት ዓፍየት ምን ሸፍ ለገብእ እቱ ሲያብ አስክ ምግባይ ሕክምነ ለዐለ ደረጃት ዲብ ልጠወር ገይሰ ሰበት ዐለ፤

3. መብደእ “እበ ብክ ለትትቀደረከ ወዴ” ተረት ዛይደት ሰበት ዐለት እሉ፤ “እብለ እለ ትወዴ” እንዴ ኢገብኦ፤ ለ “እብለ ብክ” በህለት፤ መትሰባል፤ ፈራሰት፤ ፍጥር፤ አትሓያሴ መቅሬሕ፤ ጸገም፤ ተዐብ ወለመስሉ እንዴ ወሰክክ ወድያቱ ለዐለ፤ ዲብ ቅ.ሸ.ተ.ኤ. ንዳል አው ግድለ ክምስል ፈሀም፤ እግል እሉም ወእሎም መስሎ እንዴ ከምከማቱ ገይሰ ለዐለ፤



ቲቢ እግል ንሽረብ እብ ውሕደት ንሽገብ (Unite to End TB.)

ሓይላም ቄርኢት እት ውዛረት ዓፍኖት ሀይላት መራቀብት ለለዐዓ ሕማማት እብ መናሰብት 24 ማርሰ እድንያይት ምዕል ቲቢ፡ እግል አሰራቶት እሊ ሕማም ገብእ ለሀላ ወራታት ሚ ክም መሰል ጭመም ሓብሬ ሃይባትን ሀሌትን ታምም ጽበጡ እሊ ተሌቲ።

እድንያይት ምዕል ቲቢ እት ሰነት 1882 ሮበርት ኩክ ለልትቢህል ዶክተር ሰብሰ ሕማም ቲቢ ማይኮባክቴርያም ቱብርክሎሲስ Mycobacterium tuberculosis ለልትቢህል ባክቴርያ ክምቱ ለአወጀ ዲባ አምዕል ተ። እሊ ምዕል እሊ እድንያ ለሕማም እግል ልሰረት ምስል ተቅዋር መንበር ወተጠውር ቱክኖሎጂ ለገይሰ አብሳር እግል አትኣታይ ወፈዛዐት ሸዐብ እግል ትወቀልለሰዓ ኤታን እግል አሰራቶት ክም መሰረሕ ለትጎፊዕተ። የም ዓመት ሀይ ቲቢ እግል ንሽረብ እብ ውሕደት ንሽገብ(Unite to End TB.) ለትብል ሰቅራት ራፍዐት ሀሌት። ለሕማም ምን ልትፈረግ ዘበን ሓሉፍ ምንመ ሀላ ወእግል አብደየቱ ለፈግረ ሀይፍ አልፍየት እብል በዘሐ ድወል ምንመ ትበጸሐ አስክ እሊ ኦሮ ምን እግል ዐለምን ተሐዲ ዐቢ ጋብእ ለሀላ ሕማማት ቲ። እትላ ሓልፊት ሰነት 2016 10.4 ሚልዮን ሓዳይስ ሕማይም ቲቢ ክም ትረከበው። 1.4 ሚልዮን እብ ሰብብ ቲቢ ክም ሞተው፡ ሓድ 4.3 ሚልዮን ለገብኡ ሀይ እት ሕክምን እንዴ ኢበጹሕ ወደወ እንዴ ኢረክቦ ምስል ሕማም ነብር ክም ሀለው ተቃረር መዝመት ዓፍኖት እዲን ለአሸር። እብሊ አሳሰ ሀይ ሓቂ ኤች ኣይ ቪ ቲቢ ለአግደ ቄትላይ ጋብእ ሀለ።

ውዛረት ዓፍኖት ቱለል ሕማም ቲቢ እግል ትድሌ ምን መአሰሳት ዓፍኖት እት ክል ሰለሰ ወሬሕ ተቃረር ተሓይብ። እብ ወግም ናይለ ውዛረት እት ሰነት ምን 3000 አስክ 3500 ሕማይም እግል ልትረከቦ ለዐለት እሉ 2000አስክ 2500 ሕማይም ልትረከቦ ወእብ ብሰር ዶትስ ልትዳወው ሀለው። ለ30% ላኪን ርኩባም ኢሀለው፡ ከጅሀደን እግል እሉም ታርፋም ለሀለው ከፎ ክም ልትረከቦ ባሰርት ወኡተኖትቲ። እልትረከበው ከለደወ ነሱእ ለሀለው ደረጃት ሓዮቶም 90% ሀሌት ወእሊ እብ ምቅያስ መዝመት ዓፍኖት እዲን እት ደረጃት ሰኔት ከሬኑ ሀይፍን ላኪን ምን እሊ ለሓሰት ደረጃት ሓዮት ሓቀቅት ቲ። ምስል ሰብ ሸርከትን እንዴ ትሳዲን ሀይ እግል ንሓቅቀቲ።

አስክ እሊ ርኩባ ለሀላ ሰርገል
1. አብዝሐት እንትሻር ንቀዋ ዳወየት እብ ብሰር ዶትስ

ለበዲር እት ሕዳት እሰብዳልያት ክሩዕ ለዐለ አክዶት ሕማም ቲቢ የም እት ተሐት እንዴ ትከረ ዲብ


ሰስ ለአቅሊም 76 ላቦራቶሪ እብ መርመረ ገነሰል ቲቢ እግል ልፈርገ ቃድራት ሀለየ። 63 መአሰሳት ዓፍኖት ሀይ ደወ እግል ለሀላ ቃድራት ሀለየ ከእብሊ 90% ምን ሸዐብ ኤ ረ ት ር የ እብ ብሰር ዶትስ እግል ል ት ዳ ዌ ቃድር ሀለ።

2. ና ይ ዐዶታት መታበዐት ብሰር ዶትስ

እትላ ሓልፊ ሰነን ለሕማም ለፈርሀው እቶም እንዴ ዓረምም እት ሕክምን እንዴ ነድኦ ዋጅብ ፍሕስ ክም ረክቦ ለወዱ 1035 ለገቡእ ናይ ዐዶታት ሓካይም እንዴ ተዐለመው ዲብ ዐዶታቶም እት ሸቅል ፍሩራም ሀለው። እምበልላ ሓማይም ዲብ ሓኪም ሓለፎት ለደወ ትቀረረ እሉም መ ምን ቅሩብ ዲብ መጽኡ ደዋሆም ለሀይቦም ወለኢልትሐዜ መሻክል ልትረኡ እቶም ሀላ ምንገብእ፡ አገድ እንዴ ረኣዎ እግል ሕክምን ለሓብር፡ ወእግል ሓማይም ዕሉታት መዋዕዶም ለአትፋቅዶ ወወጁህ።

3. ፊሀም ሸዐብ እብ ሰበት ዳወየት ወከሬዕ ቲቢ ወቀሎት
ፊሀም ሸዐብ እብ ሰበት ዐደዮ፡ ደወ ወመዳፊዐት ሕማም ቲቢ ወኡች ኣይ ቪ ሰኔ ክም ሀላ እብ ድራሰት እግል ልትረኡ ቃድር ሀለ።

4. ክድመት መርመረ ሓብሬ ወግማት ኤች ኣይቪ
እግል ቲቢ ቅልዓም ለወዴ ሕማማት ቀደም ኩሉ ለልትረተብ ኤች ኣይ ቪ ቲ። ዲብ ኤረትርየ 5-7% ምን ሕማይም ቲቢ ምስል ኤች ኣይ ቪ ለነብርቶም። ሰበት እሊ ለእብ ቲቢ ወኡች ኣይ ቪ ጽቡባም ለሀለው መዋዋኒን እት በገይዳት እንዴ ተአመረው ዋጅብት መራዓየት እግል ልርከቦ ኩሉም ቲቢ ለጸንሐት እቶም ሕማይም መርመረ ኤች ኣይ ቪ ገብእ እሉም ሀለ። ለምስል ኤች ኣይ ቪ ነብር ሀይ አስክ ሰኔ ልድዕፎ እንዴ ኢልትጸበር ዕምሮም ለልትራይም ደወ አገድ ክም ለአንቡቶ ገብእ ሀለ። እሊ ሀይ እግል ሕማም እት ልውሕድ ክም ገይሰ ወድዮ ሰበት ሀላ እግል ዲቡ ሸቁ ሰብ ምህንት መዕነውየት ለልኦረፊዕቲ። ኤች ኣይቪ እት ሰነት 2003 2.4% ለዐሉ፡ እት ሰነት 2015 ዲብ 0.84 ትከረ። ኩለን ዐመሲ ሀይ መርመረ ኤች ኣይ ቪ ሰበት ወድዮ ለጽቡባት ደዋሆን እት ነሰኦ ለወልዳሆም አጀኒት ምን ኤች ኣይ ቪ ናግያም ዲብ እንቶም ልትወለዶ ሀለው።
5. አደቀቦት አሰብዳልየት



መርሐኖ ምን ሕማማት ቲቢ አገድ ለ ኢ ል ት ፈ ረ ግ ለ ከ ህ ላ ት ደ ወ

ለ ጠ ወ ረ ጅንስ ቲቢቲ።

ከህላት ደወ ለጠወረ ቲቢ ዳወየት ቃሊቲ። ደዋሁ ክልኤ ሰነት እምበል አትኣራም እግል ልትጎሰእ ቡ፡ እበ ደወ እት ዓፍኖት ለትመጽእ መደረት ሀይ ክብድት ቲ። እሊ መሰል ቲቢ እግል ዳወየት እት ሰነት 2011 ዲብ መርሐኖ ለትፈተሐት እሰብዳልየት አስክ እሊ እግል 175 ነፈር ክድመት ሀሰት ወተሀይብ ሀሌት። እሉም አንፋር እሉም እብ ደዋሆም፡ መንቶም ወመዋሰላቶም ሰዓይት ማል ትገብእ እሉም።

6. ምሀዞ መሻቀዩ ሓዲስ እግል አሌለየት ቲቢ
እትላ እያም ቅሩብ መዝመት ዓፍኖት እዲን ለአመረቶ ፍሬ ቱክኖሎጂ ላቲ ኣላት መርመረ እት 13 እሰብዳልየት ወእት ወጠንያይ መርጅዕያይ ላቦራቶሪ እንዴ ተአታተ ልትሸቁ እቡ ሀለ። እሊ 'ጃንኤክስፐርት' ለልትቢህል መትሻቀዩ ምን ሕመም ገነሰል እንዴ ትጎሰኦ ቲቢ ሀሌት እቲ መኢኮን፡ ራፋምፕሲን ለልትቢህል አግደ ደወ ቲቢ ለጀራሲም ከህላቱ ዋወራም ሀለው መኢኮን እት ቀበት ክልኤ ሰዐት እንዴ ፈረገ ነቲጀት



ለለስል ጅንስ መትሻቀዩ ኣቲ ሀለ። እት ፈረጎት ለሕማም ለበዴ ወቅት እግል ለአውሕድ ወከህላት ለጠወረ ጅንስ ቲቢ አገድ እግል ልትፈረግ ዶር ዐቢ እግል ለአግዴ ሀይ ሰእየት ትገብእ እቲ።
ፈድል እሊ ገብእ ሀላ ጅህድ ለትረከብ ዐውቲ ዐቢም ምንገብእ ቀደምን ለሀላ ተሐዲመ ቀሊል

ኢኮን። ለአግደ እንትብህ ለገብእ እቲ ሀይ እሉም ለ30% ምስል ቲቢ ዲብ ነብር ለይተአመረው ወደወ ለየንበተው እንዴ ረከብከ ዳወየቶምቲ። ምኑ ለኢሊሐምቅ ሀይ ከህላት ደወ ለጠወረ መረድ ቲቢ ለብእቶም አንፋር እንዴ ፈረግከ ዋጅብ ርዕዮ ክም ረክቦ ዊደትቲ።
ከእትላ ተሌ አውካድ ለሀላ ኣነ በርናመጅ መራቀብት ቲቢ ብዙሕ ምንማቲ። እሊ ተሌ እግል ንዝከር ምኑ እንቀድር።

1. ለዲብ ኩለ ወጠን ምዱዳት ለሀለየ ንቃዋ መርመረ ወደወ ቲቢ ለልትሐዜ ተእሂል እንዴ ሀብከ ወዋወር ሚክሮስኮፓት እንዴ ዐንደቅከ እብ ቅድረት አዳመን ወበቃዐት ላቦራቶሪህን አደቀቦተን።

2. ደለ እብ ሕማም ለሸዐረ ኖሱ ዲብ ሕክምን አስክ መጽእ በደል መታካይ፡ እብ ፍንቱይ እትላ እግል ቲቢ ቅልዓም እግል ልግቡእ ቀድሮቶም ለልትቢህሉ ከፈፍል መጅተመዕ እግል መሰል ክም ከረ ምስል ኤች ኣይ ቪ ለነብር ወሐማይም ኤይድስ፡ ሰብ ሰከራ፡ አዳም እት ሕድ እንዴ ትቀራረብ እብ ብዝሐ ለነብር እቲ ባካት ክም መሳክብ ዐሸዋኢ፡ አማክን ተዕዲን፡ አካናት ሰጅን ወእሰለሕ፡ እንዴ ትገይስ ገብእ ለሀላ ፈረጎት ቲቢ እግል ልተላሌ

3. እትላ ወክድ እሊ ማጽእ ለሀላ መትሻቀዩ ጂንኤክስፐርት በደል ዲብ እሰብዳልየት ሌጠ ልትከረዕ፡ ዲብ ኩለን መራክዝ ዓፍኖት ክም ለሀሌ እንዴ ገብእ ቲቢ አስክ ዲብል ትደሀረ መአሰሳት ዓፍኖት እግል ልትፈረግ ክም ቀድር እግል ልግበእ

4. ኦሮ ምን ዐባዩ ተሐድያት

ከህላት ደወ ለጠወረ ቲቢ ዳወየት ሰበት ገብእ፡ ሕማይም ዲብ እሊ ደረጃት እንዴ ኢበጽሐ ደዋሆም እት ወቅቲ ወእብ ተማሙ ክም ነሱእ እግል ልግበእ ዳወየት እብ ብሰር ዶትስ ሰኔ እግል ልደቀብ መትጸጋም።

እት ደንገበ ውዛረት ዓፍኖት

እብ መዝመት ዓፍኖት እዲን ዐደዮ ቲቢ እግል ትከረዕ ወእብ ሰብብ ቲቢ ለመጽእ ሕማም፡ ሞት ወዐብ እት በሕ እግል ልትከራ ለአፍገረቶ ኤታን እብ ተማሙ እት ዐመል እግል ተአውዕሎ ክም ትከድም ተአክድ። እብል መናሰብት እሊ እግል ኩሉም ሕማም ቲቢ ዐለ ክም የዐለ እግል ልግበእ ዲብ ኩሉ አርካን ዐድን እንዴ ትፈረረው ነፍሶም እንዴ ኢልምሕኮ ከድሞ ለሀለው ሓካይም፡ ናይ ዶትስ ወካይል ዓፍኖት ዐዶታት ወሰብ ሸርከትን ሓምዴ ዛይደት ዲብ እንቀድም፡ ሕማም ቲቢ እትላ ትደሀረት ደረጃቱ እግል ልትከራ ወሐየት ምን ቲቢ እትላ ትወቀለት ደረጃተ እግል ትርፈዕ እምበል ሕላሌ እግል ትሸቁ ክምቲ እብ ድግማን ተአክድ።

ልብ ክሬ

ሕማም ቲቢ ለኢለደመዐ ክትፈት ገርብ ኢሀሌት፡ 80% ላቲ መስከቦ ሸነብእቲ።

20% ሀይ ምን ሸነብእ በረ በህለት እት ቅድድ፡ አምዓይት፡ ክርሸት፡ ዐጭምት፡ ከላዊ ውበዕድ ንዋያት ኩብድ ... ልትረከብ። ሰዕለት ወገነሰል እንዴ ሓደግከ ለብዕድ አሻይር ቲቢ ሸነብእ ልግበእ ወበረ ምን ሸነብእ ሓቲቲ።



ኩሉ ጀራሲም ቲቢ ምን ሀወ ለሰሐብ ቲቢ ኢጸብጦ፡ ዲብ ገርቡ እንዴ ኢለሓምዋ ወእት ብዕድ እንዴ ኢለሓልፍ እግል ልንበር ቀድር። ገሌ ቲቢ እንዴ ኢልርኡ ሕፍረት ቀብር ትከርም እት ሀሌት ገሌ ሀይ ነፍሶም ምን ሕማም ናይ ዳፍየት ቅድረተ ክም ሓወነት እንዴ ሓሰሰ እቶም ለሓምሞም። ምን ሰክብ እትን ሀላ ቲቢ እግል ንሰለም ሰኔ ንትመወን ሰኔ ንስኩቤ፡ ሸነብእን ሀወ ነዳፍ ክም ረክብ ኒዴ ወለገብኦ ሕማም ሰርዐት ትንፋስ አገድ ንትዳዌ ምኑ።

ዓም አሻይር ቲቢ ሸነብእ፡

ዝያድ ክልኤ ሰለሰ ሳምን ለትጸኔሕ ዕርፍ ለኢተሀይብ ሰዕለት እኪት


- መጸጸት ነሐር
- ገነሰል ሕምሩግ (ደም ለተሓበረ እቲ እግል ልግበእ ቀድር)
- ፈተር ተዐብ
- ሸላሕ(ህማር)
- መትደበእ ሸንሀት ነብረ
- ሓቲተት
- ሓዝ
- ለህበት ዶል ላሊ

እብሊ ለሸዐረ አገድ ዲብ ሓኪም እንዴ ጌሰ እግል ኖሱ ወእግል ዓይለቲ ምን ሕማም ለአንጌ።



ኣሳር

እስባት ኣወልወሎት ጅንስ ሐረምዝ እት ኤረትርያ ዕሙማይ ሐብሬ



እት ሰፍሐት መዐፍየት ክምሰለ ቀደም እለ ለታብዐኩሙ እብ መትሳዳዳይ ምስል መትሐፍ ኤረትርያ ወኮንፈደራልየት ዓዳት ወርያደት ኤረትርያ ምስል ታሪክ ወኣሳር ዐድነ ለልኣትኣምር ጽበጥ ምን ተኣነብት ገሌ ሳምኖታት ዋድየት ህሌት።

እት ዐድነ ለህለ ኣሳር እብ ገበይ ዕልምየት ወእስባት እንዴ ትደረሰ ወትጸበጠ ፈሀምኩም እግል ልዕቤ፡ ክም ፍገሪት እሊ ህዩ እት ስያሐት ዐድነ ወሕፍዘት ኣሳር ወርዘቅ ጠቢዐትነ ዶርነ እግል ንቀድም ለትሰዴ ሰበት ተ፡ እንትመ እብ እንክርኩም እትለ ሰፍሐት እለ እግል ትሻርኩ ነዐዝመኩም፡ክእግልየም እብ ክሰሱ መትዘርኣት ሐረምዝ እት እዲነ እግል ንርኤቱ፡ ቅራኣት

በኪተት። ሐረምዝ ምን እብ ከባደት ገሮም ወዕቢነ ርሐም ለልትኣምር ሐዋናት እት ገብኡ፡ ምን 3-4 ምትር ሪም ክምሰልሁመ ምን 4-7 ኣልፍ ኪሎ ግራም ለልትመዘኖ ምን ጅንስ መጥብየት ቶም።

እሎም ሕያደም እሎም እብ ድብልት (ትርድት) ገኖበት፡ ጠልፌሕ እገርም፡ዐባዩ እዘኖም ወረዩም ኣንፎም ለልትኣመሮ ቶም።

እብ ጌማም ኣስክ 40 ኣልፍ ኣስዑድ ለዐም፡ነጉቶም ህዩ እት ኣነን ሓምሳይ እግር እንዴ ገብኣት ክም ምራዶም እግል ልርፍዶ እበ ወእግል ለኣተንፍሶ እበ ለትሰዴ፡ ክም ምራዶም እግል ሊደው ለትሰድየም

ተ። ሐረምዝ ክምሰለ ብዕዳም 99% ለበጽሖ መጥብየት ጭገር ለኣለዎም ወምን ቅድረት ወለዐል ዕቢን እዘን ለመልኮ ቶም።

ገሮም ውቅልት ጣቀት ምን ለኣፈሬ ሐዋናት ሰበት ገብኣው ህዩ ኢህለየት ጭገር ለኢትትሐዜ ሐፋነት ገሮብ እግል ለኣፍግሮ ሰድየም።

እት ምፍጋር ጸሓይ ኣፍሪቀ ለህለው ሐራምዝ ለተርኤ ሰረት

እሎም ሰዐር ወኣቀጥፍ ለልትመወኖ ሐዋናት፡ እት ለትፈናተ ድውራት፡ ምን ምድር ሰዐር ኣስክ ድበዕ እቡ ለሸፍቀ ምድር እቱ እግል ልንበሮ ለቀድሮ ቶም። ለሬማ ወክድ ዕምሰነ ክምሰልሁመ እት ኣጥበየት ውላዶም ለክልኣ መጥብየትማ ቶም። ህቶም እት ክሉ ዕምሮ 26 ኒበት ለኣበቅሎ። እሊ ኣንያብ እሊ ህዩ ምስል ዘበን ለልትሻረፍ ወለበቅል ቱ።

እብ ዓመት እትሊ ወክድ እሊ እብ ናይ ኣፍሪቀ ወኣስየ ለልትኣመሮ ኣጅናስ ሐረምዝ እት እዲነ ክም ህለው ልትኣመር።

እት ኣፍሪቀ ለልትረከቦ ሐረምዝ እት ባዶብ ተሓት ኣፍሪቀ እንዴ ትፈንጠረው ለነብሮ እት ገብኡ፡ ለናይ ኣስየ ህዩ እት ግብለት ወግብለታይ ምውዳቅ ናይለ ቃረት ልትረከቦ።

ልተላሌ.....



ምን ሐልየት መንሰዕ ቤት ሸሐቀን እለ እት ገጽ 201 ናይለ እት ሰነት 1913 ለትጠበዐ ክታብ ሐይለት ትግራይት ለህሌት እድራስ ወድ ገብሽ ለልትበህል ሓልያይ እግል ከንቱባይ መሐመድ ምን የረ ለሐለየ ሕላየት እግል ንርኤ።

ትምተ ገድም ወኣስደማም ለመኣለፍ እሊ በርኩቱ ወትርኤ እሊ ኣዚሙ ወትርኤ እሊ ኣምሻሹ ወትርኤ እሊ መደባይ እት ቀበትለ ኣብያቱ መምብሃቱ እለ ተገሪት ላመ ዋይረ መምብሃቱ ደብራቱ ዲቡ ትሸፈል ለተዐይር እት ክል ሓጋሱ ወድ ሐሰመ ወድ ሕሻልቱ ለጋድመት በዲር ውህራቱ ምን ገይስ እገረ ወምን ልትሃጌ ኣፍሃ ቱ ምን ሰሚዕ እዘነ ወምን ልርኤ ዕንታ ቱ ገድም ጽልመት ሚ ትክይድ ለወርሐ እሊ ኣምሳቱ ኣባይነ እሉ ልትኣኬ በዲር እብለ ረብዓ ቱ ለገሌ ልብል ህረቦ ለገሌ ልብል መጽኣ ቱ ለገሌ እብ ሀውኬ ገይስ ምኑ ለሕልካቱ ምን ዘምተ ኦቱ በ ተዐይር ዲብለ ኣፍያቱ ዝምትት ላተ ለኣተክሬ ጋይሰት ኢኮን ምን መሓዙ

መርሐ ወክንቱባይ ሹም ለሓክም ምድር ወድ ሐሰማ ቱ ወድ ሕሻል ለነጋጊሩ ምን ሀድር መምባለ ኣግብር ደራይት መምባለ ኣማት ፈረፍር በየእ እት ድጌ መን ከረዖ ወክልክል ክም ቀልቡ ልትሃጌ ኢለርዐዴ ወኢህጥል ሸሩ ልብሎ ልክለኣነ ምዕል ለእለ መትነድር ሐየት ቱ ወድ ገመኔ እብ ኣስዑዱ ገንድል መን ቱ እምበሌክ ለገይዳት ጥራይ መጭር ለሕነቅ እንቱ በልስ ወቅዩድ እንቱ ነትል ዕምረት ለመሸባብ ፋግር ኢኮን እብ እግር ፋግር ኢኮን ምን ሐረት ወፋግር ኢኮን ምን ምዕጥን ፋግር ኢኮን ምን ድጌ እብ ስቅራት ወዘፍር ለኣንስ ወዴ ዕላላት ወለጥጦት ዘብጥ ዐነድር ሳምን ተ ነብረ እዲነ ሐቀለ ሳምን ኢትነብር ሳምን ለረብዓተ እት ልሄሬ ወእት ገንድል ለእገረ እት ገይስ ለዕንታተ ሰኔ እት ፈጥን ከፍህ እዲነ ዕዛል ምሴተ ወፈጅር እዲነ ሐላፊት ተ ዳይም ሚ ተ ከትነብር።

መርሐበ ወክንቱባይ እለ ጋድመት መስመረ ወኣለል ትግበእ ወጎምስ ለዊሽ ገይስ ምን ለዐለ ሹም ለሸየም ልትጋመር እንዶ ህይብ ተበነ ድሩይ ለቀዓሪ ገፍፍል ድሩይ ለሰራር ገርገረ እት ኣፍሁ ሸዋሪብ እት ሸልሖ ሐልሐለ ቅታሉ ለብሐቶ በጥር ምኑ ለኢከህለ ኣለቡ ረድዮ ሕዋይቱ ሐቆ ተሐውረረ ሱብ ጸሊም ልጸበር ጋብእ እንቱ ደልደለ ኢፈርህ ኣሰይፍ ምንመ ትመትህ ወትሰሐለ ኢፈርህ መናዱቅ ባሮት እብለ ሰረረ ኢፈርህ ከወኒ እት መቅጠኑ ሻገረ ኣርወሐት እት ረቢ ተ እት ለታልቅ ምን ለዐለ እብ ትበኣስት ኢትመይት እንደይ ተመ ለኣጀለ ወእብ ሰኬት ኢትፈግር ኣግማለ ሐቆ ተሓደረ ረበዕ ረበዕ ተ እዲነ በዲርመ ጆህ ወዐመለ እት ልገንሕ ለዕንታተ ወእት ልገይስ ለእገረ ሳምን ተ ነብረ እዲነ ግሉል ቱ ለእግለ ተሀመለ።



ጊዜያዊ ታይብ

ሕዱግ ስሌጣን



ገሌ ምን ሽባን ፍሬ ቦርዱን አስማጥ ቀደም ሐል

እት ሰማንያታት ለአንበተ ሄራር ተወላም ማርያ ጸላም፡ እትሊ ወክድ እሊ ክምሰለ አንበተዩ ምንመ ኢሊህሌ፡ እት ክለ ለወጠን እብ ለትፈናተ ምህናት ምስል ብዕዳም ሐዎም ሸቁ ለህለው ሸባን ዕልም ብርኩት ቱ። እሊ ለልሐብሩ ምን ለሀሌ እሊ ምጅተመዕ እሊ ፈሀሙ እት ተወላም ሰበት ትወቀለ ምን አውለውያት ሐያቱ እንዴ ወደዩ ከድም እቱ ለህላቱ።

እት ክል ሰነት ምን እት ኩልያት ዐድነ ለልትደሐሮ ደረሰ ምን እሊ ድዋር እሊ ለፈረ ደረሳይ እት ምግብለ ልትደሐሮ ለህለው ደረሰ ሰበት ረክብ ለማሌ ቀርሐ እያድ ድራሰት እት ዮምመ ክምሰለ እግል ልብርሀ ለወጅቡ ባርህ ምንመ ይህለ ትልጭ ልብል ክም ህለ ተአገርስ እቡ።

ከእግል ዮም እት ሰፍሐት ሸባን ምስል እሎም ደዓም ለትደሐረው ደረሰ እሊ ድዋር እሊ ሄራር ተወላም ሚ ክም መሰል ወፊህምም እት ድራሰት እብ ፍንቱይ ምን ናዮም ተጃርብ እግል ንክሰብ እንዴ እንቤ እብ ሰሐራ ኣድም አቡሐሪሽ ለገብአት መቃበለት እንዴ ጨመምን እንቀድም እግልኩም ህሌኑ ቅራኣት በኪተት።



ዐ-ሰማን ኢብራሂም መሐመድ ጅምዕ (ጠዊል) ልትበህል፡ እት እርቱ ትወለደ ወዐቤ፡ ግራሁ ዕምሩ እግል ድራሰት ክም ተ'መ እት ሰነት 1998 መአንብታይት ድራሰቱ እት እርቱ ለአትመመዩ ዐ-ሰማን፡ ጀዋእዝ ነስእ ክም ዐለ እት ዮም እንዴ ገብእ ዝከርያት ተወላም ልትፋቀድ።

ናይ ምግብይት ወክልኦይት ደረጃት ተወላሙ እግል ለአተላሌ ምን አድብር እርቱ እት ቀላቅል አስማጥ እንዴ ትከራ፡ እት ቦርዱን አስማጥ እግል ተወላም ተወላ።

እትሊ ሄራር እሊ ህዩ፡ ምስለ ምን ክሉ ድዋራት ምዴርየት አስማጥ ወገሌ ምዴርያት ለመጸው ደረሰ እንዴ ደርሰ ጀዋእዝ እት ነስእ ናይ 2ይት ደረጃት ድራሰቱ ክም አትመመ፡ ሳወ እት 23ይት ደውረት ክድመት ወጠን ለትከረ ሻብ ቱ። እት ሳወ ናይ 12ይ ፈሰል ድራሰት ወተወላም ዐስከሪ እንዴ አትመመ ፍገሪት ማትሪኩ 2.8 ሰበት ዐለት፡ እብ ደረጃት ዲግሪ ኩልየት ዕሉም ወቴክኖሎጂ ኤሪትርየ ማይ ነፍሒ እንዴ ሐረ እግል 4 ሰነት መጃል ዕልም-ቀመም (ኬሚስትሪ) እንዴ ነስእ ትደሐረ።

እትሊ ወክድ እሊ ህዩ እት ክድመት ወጠኑ ፍሩር ለህለ ሻብ ቱ። ህቱ እብ ክሰሰ መንፈዕት ተወላም ለህለ እግሉ ፈሀም እት ልሓኬ ክእነ ልብል።

“እዲን እትሊ ወክድ እሊ እብ ሐሊት ተወላም ትሄርር ሰበት ህሌት፡ ምጅተመዕ እሊ እንዴ ፈሀመ ዕልም እንዴ ተወንደቀ አሰረ ይሄረረ ምንገብእ፡ እቱ ዋወር ምጅተመዕ እግል ልትሓበር ወኣኩት እግል ለአክድ

ኢቀድር፡ ግሪ 21 ክፈል ዘበን ለህለ ዘበን ህዩ፡ ዘበን ቴክኖሎጂ ሰበት ቱ ለኢተወላም እት ልርኤ ለልወውር እቱ ወክድቱ፡ ሰበት እሊ ንትወላም ንትወላም እብሎም” እንዴ ቤሉ፡ ነሲሐቱ ለሓልፍ።

ሻብ ህመድ ዐ-ሰማን ህመድ ምን ሽብህ መዲነት አስነዳቱ። እት ሰነት 1998 ዕምሩ እግል ድራሰት ክም ተ'መ መአንብተይት ደረጃት እት መድረሰት ጃኒ (ጠወን) አንበተዩ፡ እትሊ መድረሰት እሊ ህዩ ምን ጃእዘት ለነስእ ለዐለው ደረሰ እት እንቱ ናይ መአንብተይት ደረጃት ድራሰቱ ክም አትመመ እት ቦርዱን አስማጥ እንዴ ተሓበረ ህዩ ናይ ምግብይት ወክልኦይት ደረጃት ድራሰቱ እብ ፍገሪት ሰነት ክም አትመመዩ፡ እት 23ይት ደውረት ክድመት ወጠን እንዴ ተሓበረ 12ይ ፈሰል ድራሰት አከዳምየት ወዐስከርየት እንዴ ነስእ እምትሓን ማትሪክ እቱ እንዴ ሻሪኩ፡ እት ኩልየት ለትሓቱ ንቅጠት ሰበት ረክቤ እት



ኩልየት ዕሉም እጅትማዕየት ዐዲ ቀይሕ እንዴ ተሓበረ እግል 4 ሰነት ለደርሰዩ መጃል ሰዩሰት ወዕላቃት ካርጅ እቡ እብ ሰልፋይ ዲግሪ ለትደሐረ ሻብ ቱ።

ምን ናዩ ተጃርብ ምጅተመዕ መንፈዕት ተወላም እግል ለኣምር ክእነ ልብል፡-

“እግል ክሉ ምጅመዕ ኤሪትርየ እብ ዓመት ወእብ ፍንቱይ ህዩ እግል ምጅተመዕ ምጅተመዕ ትግሬ እግል ኢበለ ለሐዘ ህሌት፡ ምጅተመዕ እግል ልትቀደም ወልትጠወር ገብእ

ምንገብእ እምበል ፈናታይ ጅንስ እግል ልድረስ ወልአድርስ ቡ፡ ምጅተመዐናመ እሊ እንዴ አመረ ለልብሉ አምሳል ክም ከረ ዕልም ኑርቱ ወጀህል ምንኩር እንዴ ፈሀመ እግል ልትወለም ህለ እግሉ። እብ ፍንቱይ እሊ ሻብ ለእት ዘበን ቴክኖሎጂ ለትወለደ ወነብር ቤላ።”

ሻብ ሳልሕ ዐ-ሰማን እድሪስ (ወድ መዲን) እት መድረሰት ጃኒ ናይ መአንብተይት ወምግብይት ድራሳቱ እንዴ አትመመ፡ እት መድረሰት ቦርዱን አስማጥ ናይ ምግብይት ደረጃቱ እብ ደረጃት ሰነት ክም ሓለፈዩ ፈቀድ።

ምስል 24ይት ደውረት ክድመት ወጠን እንዴ ተሓበረ ህዩ ናይ 12ይ ፈሰል ድራሰት ወተድራብ ዐስከሪ ክም ከምከመ እት እምትሓን ጃሚዐት 2.8 እንዴ ረክብ እብ ደረጃት ዲግሪ ድራሰቱ እት መጃል ፊዝያእ (ፊዚክስ) እብ ንቃዋ ሰኒ ሄራር 4 ሰነት ኩልየት አትመመ።

ምን ተጃርቡ ምጅተመዕ እት ተወላም ለህለ እግሉ ፈሀም እት ጌማም እንዴ አተ ረአዩ እብ ክእነ ለሀይቡ።

“ምጅተመዕ ምስለ ህለ እግሉ አብካት ተወላም ማሌ እት ድራሰት ዐሸም ሰኒ ዐለ እግሉ፡ እሊ ሰበት ዐላቱ አስክ እሊ ሰኒ ለሄረረ። ዮም ላኪን ሌሂ ዐሸም ሌሂ ክም በዲሩ ሰበት ይህለ አሰፍ ወዴ እትኩ። እብ ፍንቱይ አንሳት ርኤነ ምንገብእ ዮም ምን 2ይት ደረጃት ድራሰት እት ለአወልጠ ምን ልትረአዩ ህለዩ። ሰበት እሊ ምጅተመዕ ለእት ብሩር ረዩም ለህለ እግል ልንበር ገብእ ምንገብእ እግል ልትወላም ሰበት ህለ እግሉ፡ ለህለ እግሉ አብካት እግል ልትነፈዕ እቡ ቡ”፡ እት ልብል ለሀበዩ ረአይ መትመሚ መቃበላት ምስል እሉም መሰል ሰነት ሸባን ዐለ።

ኩሓይሳም ሸባን እሉም መሰል ሰነት ላዩም ሸባን ማሌ እብ አብዕሶታቶም ለትቀርሐ እያድ ተወላም እንዴ ረፍዐው ለሄረረው ሸባን ሰበት ገብአው ሕናመ ገበዩም እግል ንተሌ ወምን ናዮም ነሳይሕ እግል ንትወላም ህለ እግልኩ።




ብሽራት ምን መሀረጃን መአሰሳት ተወላም ውቁል

እብ መሕበር ወጠን


ሸባን ወደረሰ ኤሪትርየ ፈርዕ ሳዋ ወመአሰሳት ተወላም ውቁል

እንዴ ትክመ ክል ሰነት ለገብእ መሀረናጅ፡ ዮም ዓመትመ ክለን ኩልየት እት ከብደን እግል አርበዕ ወርሕ ወድያሁ ለዐለዩ ጅግረ እብ ኢንትር ኮሌጅ ለ ል ት አ መ ር ሚ መ ዮ ት ጅ ግ ራ ታ ት እንዴ አትመመዩ እለንተን ዮም እግል ሳምን ወክዱ ገብእ ለህለ መሀረጃን



እት ሐንቱ ሰቅራት “ዝናርነ ዕልም ወግርመትን ብዝሐ አጅናስን” እበ ትብል ሰቅራት ምን ዮም 30 ማርስ አስክ 02 አፕሪል ሰነት 2017 እት ኩልየት ተጃረት ወእቅትሳድ ሐልሐሌ እግል ልትዐዩድ ክምቱ እንበሸር።

እትሊ ኩለን ኩልየት ዐድነ እት ሐቱ ወድነ ለጀምዕ መሀረጃን እብ ለትፈናታ ጽበጥ ዓዳትናይ ለመድ(ቅዱም) ወሐዲስ መሲቃት ወሰሰዲታት ተማሲል ወዕፌ ዕልም ለክምክም



ጅግራታት፡ሰሚናራት፡ ዕፌ ግርመት ጠቢዐት፡ ምህዞ ወሰንከርት፡ ነቁሽ ወረሰም መባትክ ወለትፈናተ ጅንስ ርያደት እቡ እንዴው ተ'ለ እግል ለአስምንቱ።

በርናምጅ ዐግሎ ፈርያት ፈን ወበርናምጅ ተሐይስ ተሐምቅ ሸባን እትሊ አሌላት እሊ ምን ቀርቦ በርናምጃት ቶም።

ሰበት እሊ እትለን እግል አርበዕ አምዕል ለትገብእ ዳምቀት ሳምን እግል ልሻርክ ለሐዘ፡መንገአትን ፍትሕት ክምሰልተ እት ነሐብር እግል ክሉም እዩሳም ነፀዝም።

መመቅርሐይት ለጅነት 8ይ መሀረጃን መሕበር ወጠን ሸባን ወደረሰ ኤሪትርየ ፈርዕ ሳዋ ወመአሰሳት ተወላም ውቁል።

ግውኑያት ሐቃይቅ

- ዎሮት ወድ ዩግዝላቭየ ላቲ ሐላግ፣ ዕምሩ ወድ 79 ሰነት ክም በጽሐ፣ እት ቀበት ሐቲ ሰነት ሐድ 25 ዶል ሀደ።

- ለፊመት እሲት ታሪክ ሱጁለ ለትትረከብ ማርየ ፊደ ትትበሀል። ለሪመ 255 ሰንቲ ምትር በጹሕ። ህተ ወለት ሰቦ ሰነት እንዴ ኢትጉብእ እት ፓሪስ ሞተት።

- ሶትየ ረ'የ ዎልፍ ለትትበሀል እሲት፣ እግል ዎሮት እብ ፈን ነቅሽ እሙር ለዐለ ነፈር፣ ሰረት እናስ እት ንሳለ እግል ልነግሽ እለ ጠልበት ምኑ። እሊ ለወዴት እቡ ምስምሴ ለእናስ እብ ሰበብለ ህተ ትወድዩ እቲ ለዐለት ዞዕ ወረብሸት ሰበት ሞታ ቲ።

- ዲብ ደውለት ኡራግዋይ፣ ክልኦት ዋልዴን እግል ጀናሆም እት ቀበትለ ቤቶም እት ሐቲ ቁርፈት ፋድዮት እግል መደት 14 ሰነት እምበል ሐረከት ሐብሰዉ። ወለምስምሳ ህዬ ህቲ ወድ 19 ሰነት እት እንቲ እግል ሐቲ ወለት

ሰበት ሻቀላ ቲ። እሊ ኦስካር ናፋሮ ለልትበሀል ሰጁን፣ እት ቀበት እለን ሰጁን እት እንቲ ለሓለፈየን 14 ሰኖታት፣ ለጭገሩ እንዴ ፊመ ኦስክ ሕምብራሁ በጽሐ፣ ወእምበል እሊመ ሸከሙ ፊመ ወለኦጭፋሩመ እተ ክምስልሁ። ከአምዕል ለእሎም ዋልዴን እግለ ጀናሆም ምነ ሰጅን እግል ለኦፍጉሩ ቀረረው እተ፣ ለጅን እምበል ዕያደት መጃኒን ኦካን ብዕደት እግሉ ለትጉብእ የዐለት። ከዐደድ እለ ረሕመቶም ለትሰለበት ዋልዴንመ ኢልትሰኦኖ!

- ለትደቀበት ሐለት ክርን ለዐለት እሉ ነፈር፣ ዎሮት ወድ እንግሊዝ ላቲ እናስ ዐለ። ህቲ እት ሳምናይ ዐቅድ ዕምሩ እት እንቲ ሞተ። ህቲ እተ ምን ቤቶም ሰለሰ ኪሎ ምትር ለትረይም ገርሀቲ እንዴ ጉብኦ፣ ለዐይር እት ሀለ እግል እሲቲ እንዴ ትላከዩ፣ (እመጽእ ህለት ድራር እንዴ ዐገልኪ ትከብቲኒ) ልብለ ዐለ። ከዶል ለአፊት ለኦትያተ ክሉ ለጋራት ጃህዝ እት እንቲ ጸንሐ ነብረ።

- ዎሮት (ቤረስ ኢድዋርድ) ለልትበሀል ነፈር ዐለ። እሊ ነፈር እሊ አክራናት ናይ ሔዋናት ወሰራይር ፋሌ ነብረ። ከወድ 73 ሰነት እተ ጉብኦ እቲ ወቅት፣ አክራናት ናይ ሐድ 800 ለጉብኦ ለትፈናተየ ሰራይር እግል ልፋሌ ቃድር ዐለ። ከምነ ሳደፊያሁ ለለኦትፍክረ ተየልል፣ ሐቲ ዶል መልሂቲ እግል ልትዛወሮ ኦስክ ኦድብር አምሪክ እግል ሊጊሶ ዐዝመዉ። ከዲቡ ክም ጌሰው ኩሎም ምንለ ዐረብዮት እንዴ ትከረው፣ ግርመትለ መካሪትለ ምድር እት ለዐፋ አንበተው። ህቲ ህዬ ክርን ናይ ድቢ እግል ልፋሌ ሸንሀት ሰበት መጽቲ አክራናት ወደ። ምናተ ህቲ እት ሩሐ ሌጠ ጆረ። ኦስክ ጀማዐቲ ዶል ዐቅበለ። እለ ኢኮን ህቶም ህዬ እብ ሰበብለ ክርን ለእለ ወደ ፈርሀት ሰበት ተሓበረቶም፣ ዐረብዮቶም ትጸዐነው ወእብ ሰከይ በዲር ምድር እንዴ ጠለቀው ጸንሐዉ!

- ለእሙር ምመስል ቻርለስ ቻፕሊን፣ እት ሐቲ እግል (ቻርለ ቻፕሊን) ኖሱ ለትፈለለ እተ ብድረ ሻረከ። ከዲብለ ብድረ ህቲ ሳልሳይ ፈግረ።

ተበሰም

ዎሮት ነፈር፣ እግል ዎሮት መለሀዩ እት ዕያደት ካርር ለዐለ እግል ልዕደድ ኦስክለ ዕያደት ጌሰ። ከክም ረኦዩ ረቢ እግል ለዓፍዩ ደዐ ወደ እሉ ወሀድየት ሀበዩ። ሐር እተ ባኩ ዎሮት ነፈር ምን ርኦ፣ እሊ ምስልክ እትለ ቁርፈት ለሀለ ህዬ ምን ቲ እት ልብል ትሰኦለዩ!

ለመለሀዩ ህዬ እሊ ዎሮት ሲኒ ቲ ሕሙም ሀለ ቤለዩ። ከእለ ምን ጉብኦ ረቢ ኦጅር እምበል ሚኢውደየ እግልዬ እግል ዕደዱ ቲ ቤለዩ። ከእንዴ ጌሰ እቲ እተ ባኩ ዶል በጽሐ፣ ለሲኒ ህዬ፣ “ሾን ሻ ሸዎክ ሸካማ ሸንን ሻው ሸዎዎ ሸን ክዎዎ ፈን ተሸን ተሸ ኸሸን ሸን” እት ልብል ጨጭ ቤለ ዲቡ።

ለነፈር ህዬ፣ ኦሃ ለእናስ መይት ሀለ ጉብኦ ምስኪናይ፣ ወእለ ለፊናሁ ተ ጉብኦ ቤለ። ህግዩ ቻይና ለአምር ሰበት ይዐለ፣ እግለ ህግያሁ እንዴ ከተብክወ እተ ዐዱ ምን ኦበጽሐ እሉ ረቢ ኦጅር ወሰዋብ ወድየ እግልዬ ቤለ፣ ወገለም ወወረገት ነሰኦ ከከትበዩ። ወእብ አማን ለሲኒ መስኪናይ ሐቆ መደቲት ሞተ።

ሐር ዐዱ ለጀናዝቶም እግል ልንሰኦ ዶል መጸው፣ ለእናስ ጌሰ ዲቦም ወረቢ ልርሐሙ ግድም ሚ ትወዱ ረቢ ሰብር ወኤማን ለሀበኩም ኦሰብሮ ሌጠ ቤለዮም፣ ወኦልፋትሐ ጸብጠ እሎም።

ሐር ገሌ እኩም እግል እሰልሙ ለሐዜ ጋር ሀለ ምስልዬ ቤለዮም። ወልኩም ቀዳማዩ መፋግር ኦርወሐቲ ኦነ እተ ባኩ እበዋር ዐልኮ። ወእሊ ተሌ ዝዖታት እት በልሰ ሰመዕክም፣ ምን ኦመረ ፊናሁ ትጉብኦ እቤ ወእንዴ ከተብክወ ጸብጠ እግልኩም ህሌኮ ቤለዮም።

ወሰኒ ለኦስነ ሰበት መሰለዩ እብ ራሐት ደሚር ሸዐረ፣ ወብጣሩ እንዴ ጉብኦ ለወረገት ለከሊማት ካትብ እተ ዐለ እለ ሰለመዮም። ወሐር ሻፍግ እት እንቲ ትሰኦለዮም፣ ለነፈር ሚ ልብል ዐለ ጉብኦ ቤለዮም።

ለሲኒ ክም እሊ ልብል ዐለ ቤለው፦ “ይህ እናስ ኬን ቅረብ፣ እተ ረኦሰለ ኦንበብትለ ኦክስጂን ትበዋር ህሌክ! የሀ ወድ ሐላል ለኦካን ትሸንኬ ምነ ትቀትሰኒ ህሌከ። ኦላ ረቢ ሀለ እትከ ቀተልከኒ ሌጠ” ልብለክ ዐለ ወኦዜ እንተ ቄትላይ ወልነ እንተ” ቤለው።

መዕሉመት

- ክልኦት ሐባይ በኖነ ዶል ትበሌዕ፣ እግል መደት 90 ደጊገት ናይ ርያደት ነሻዋ እግል ቲዴ ለትከፊክ ጣቀት ለሀይቡከ።

ዘህል

- ዎ ሮ ት

ገበዩ ባድዮት ምኑ ሳደፊክ ምን ጉብኦ፣ ተሐይስ ለትብለ ገበይ ምርሐ።

- ክሎም ጋራት ነኦይሽ እት እንቶም ለኦነብቶ ወእት ለዐቡ ገይሶ። ምናተ ምሰበት ዐባይ እት እንተ ተኦነብት ወሐር ምንዶል ከእት ትንእሽ ትገይሶ።

- ደሚር ክርን ሃድኦት፣ ዎሮት ለኦተቅብለክ ክም ሀለ ለተኦስእለካ ተ።

- ጸልዐትክ እት ብዕዳም ኢትዋረዕ እበ....ጸሌዕ እግል ማግግም ሌጣ ቲ ለልትአመርም።

- ምንዬ ለፈግረዝዖታት ብዙሕ ለኦትቀድናኒ... ለዝዖታትዬ ሰበት ለዐጅባከ፣ ምናተ ኦነ ላቲ ይዐጅብከ።

ዝበድ

ዛዖታት

ወድ ሚን ኦደሚ ክም ሰላዲ ክልኦት ገጽ ሐቆ ወዴ፣ ሐዶቲ እብ ግዲደ ዶልክ እት ጂብ ነፈር ዎሮት እት ነክሰ ለኦፈንዩ።

ክበርባኔ

ልባብ

ለጀልበት ወገርህትለ ዐወሊ ብትሮል

እት ሐቲ ላሊ ምን ከረም ሰነት1995፣ ሐቲ ምነ ሰኒ ዝይፍ ላተን መራክብ ሐርብ አምሪክ እት ባካት ግንራራብ በሐር ከነደ ሰኒ ሻፍገት እት እንተ ተሀውል እቲ ለዐለት ወቅት፣ አጅሀዘትለ ሳዳር ዎሮት ሰኒ ዝዚፍ ላቲ ገርብ ምስለ መርኩብ እግል ልዳገሽ ቅሩብ ክም ሀለ ለለኦርኤ ሐብሬ ሀበዩ። ከብትንለ ጀልበት ሻፍግ እት እንቲ ኦስክለ አጅሀዘትለ ሳሰልኪ እንዴ ረትዐ፣ ምስለ እትጃህ ለሀይ እት ለሀድግ አንበተ።

...ለከብትን፣ እሊ ልትሃጌክ ለሀለ ከብንትንለ መርኩብ ሐርብ አምሪካቲ። ምን መትዳጋሽ እግል ትትወርኬ፣ ለእቲ ተኦሴርር ህሌክ እትጃህ፣ እብ ቅያስ 15 ደረጃት ሸንከት ቅብለት ሎልቡ...ትሸኸ... ኦዲግ አወልጦ ቤለ።

ለእትጀህ ለብዕድ፣ ኦትአመርት...እለ ናይ ከነደ ሰልጠት ተ። ለእሉ ጠልዖ ህሌኩም ጋር ካፊ ኢኮን። እትጀህኩም እብ ቅያስ 180 ደረጃት እግል ትሎሉቡ እነሰሐኩም...ትሸኸ። ለከብትን፣ ሚ በሀለትካ ቲ...! ኦነ ምነ መትዳጋሽ እግል ትትነወኮ ለእትጃህኩም እብ ምቅያስ 15 ደረጃት ሌጠ ሸንከት ቅብለት እግል ትሎሉቡ ጠለብኮ ምንኩም። ወእብ ክሰሰለ መርኩብክ ህዬ እሊ እኩም ለከሰስ ጋር ኢኮን...ምናተ ሕናመ ምነ መትዳጋሽ እግል ንትወርኬ ለእትጃህነ 15 ደረጃት እግል ንሎልቡ ቲ። ወሕናመ ሸንከት እትጃህ ግብለት እግል ንትሎብ ቲ ወእሊመ ምነ መትዳጋሽ እግል ንትወርኬ ሌጠ ምን እንቤ ቲ...የለ

ሸፈን ትሸኸ።

ለእትጃህ ለብዕድ፣ እሊ ካፊ ኢኮን፣ ለእትጃህኩም እብ ቅያስ 180 ደረጃት አው ህዬ ምን ልውሕድመ እብ ቅያስ 130 ደረጃት እግል ትሎሉቡ እነሰሐኩም...ትሸኸ።

ለከብትን፣ እግልሚ ትትከሐድ ህሌክ? ወእንታመ እብ ጀሀትክ አክለ ቅያስ እሊ እንዴ ኢትትወርኬ አዋምር እግል ተሀብ ሌጠ ተሐዜ ህሌክ? ሕነ ናይ አምሪክ ናይ ሐርብ መርኩብ ሕነ፣ እንቲም ህዬ እብለጉብኦትኩም ምን እንቲም? እት ልብል ሰኦል ወጀህ።

ለጀሀት ለብዕደት፣ ሕነ እት ረኦስ ማይ ለተሐምብስ ናይ ብትሮል ገርሀት ሕነ! ወእግል ንትሐረክ ቅድረት አሉብነ! ትደገጎ! ቤለ፣ ምናተ ለወቅት ክሉ ዲብ እሊ መንፈዐት ለይዐለት እሉ ናይ ሳሰልኪ ህድግ ውሐይ ሰበት ዐለ፣ ለሰፊነት እት ትደገሕ መጽት ወምስለ ገርሀትለ ብትሮል ትዳገሸት።

ምን እሊ ለእነሰኡ ደርሱ፣ ለእትጃህ ለብዕድ ክል ዶል አክል ሕድ እብለ ናይክ መዋሰፋት እንዴ ነሰኦክ ኢትፍሀሙ። ከእትሳል እተ ትወዴ እቲ ወቅት፣ ለዎሮት ሀደፍክ ልእከት ኦስክለ እትጃህ ለብዕድ እግል ትንደእ ሌጠ ኢትውደዩ። ምናተ ለሀደፍክ ኦርበዕ እንክር(dimension) ለሀሉ እሉ።

በሀለት፣ እት ሰልፍ እግለ እትጃህ ለብዕድ እግል ተኦፍሀሙ ብእትኩ ወሐቆህ ለበለሱ ትከበት፣ ወእግል ርሕክ ክም ትትፈሀም እንዴ ወዴካህ፣ እት ደንገበ ለልእከትክ ንደእ ዲቡ።

እዲነ እብ ጠምጠመ እግል ተሓልፍ ለሰድያክ ነሳዬሕ

- ዮምየን ተማሪን ውዴ፣ ወእግል ርያደት እብ ገበይ ንዝምት ትነፊዕ እበ።

- እግል ብዕዳም ለተሀየበ ሐምዴ ወሸክር፣ እብ አማን ምን ልብክ ለትትበገስ እግል ትግበእ ብእተ።

- ሸቅልክ ክም ህዋየት ወክም ፈን ንሰኡ ወትመተዕ እበ።

- ክል ዶል ለሐሰት እግል ትሳድፊክ ታኬ፣ ወእኪትመ እንዴ ትዳሌክ እለ ጽነሕ።

- ምን ፍንቲት ወተሐት ላቲ ጋር ኢትዕረግ እሉ ወኢትትከሬ።

- ሮቤን ሻርመ ሲረት ቢንጃሚን ፍራንክሊን እግል ንቅረእ ትወሰ።

- እግለ እግል ትሸቀዮም ለተሐዜ ጋራት፣ እት ሰልፍ ሳምንታይ በርናምጅ ርሰም እሎም።

- ለኦግደ ሐምስ አውለውያት ሐያትክ እለወን ክም ተን አክል ሕድ ፈርገን።

- እግለ እት ባክ ለልትረከዖ ትልህያታት ወሙብድየት ወቅት ኢፋል በሎም።

- ምነ እሎም ተአምር ክሎም ለሐሰ አደብ ክም ለሀሌ እግልክ ውዴ።



“ሰ’መዕ ክልኡት ከበር”

ኬትባይ፡ ዐሊ አቢብ እድረሰ

12^ኛ ክፋል

እም ሰሚረ እበ ወለተ ለቴለታተ ህግዩ ክልሰት፡ ከብደ እብ ፈርሀት ተሀምበኩት። ምኖተ ሕርያን ብዕድ ሰበት አለቤ፡ እበ ጀርደት አብ ሰሚረ ለብቅዕት እግል ትትሐረድ ሰበት ቤ፡ አብ ሰሚረ እግል ተአሰእል ትከማከመት።

ፈጅራተ ሓሪት ምን ቡን አሰብሐም ረአሰ ወድገም ሐቀለ ሰተው፡ “እለ ወለት ማሌ ለህግዩ አቡኪ ሚ ሐሰብኪ ዲበ እንዴ እቤ ስእልተ ዐልኮ” ክም ትቤ ህግያህ እንዴ ኢትክምክም አብ ሰሚረ እንዴ አዳለቀ ዲቤ፡ “አህ ከሚ ቴለተኪ፤” ትሰአለዩ ንሁፍ እንዴ እንቱ። “ወለት ሕርምዬ ልእኪ ወክፍርዬ አሕመድ ወድ ሳልም እግል ይእትህዴ! ዳርሰ ኢኮን ወህዳይ ህዩ መስተቅበል ሰበት ገብአ ዲብ ሕርያን መስተቅበልዬ ሕርየት ብዬ ትቤ። እበ እለ ረኤኮ ዲበ ኖሱ ረቢ ሸርለ ማዩ ለሕፋን ልክለኣነ በሉ” ክም ትቤ ለዲብ ከብደ ትበጭብጪ ለዐለት ህግዩ ክም አፍገረት፡ ደሸቅ ትቤ ከበሊሱ ትጸበረት።

አብ ሰሚረ ግድም እለ ህግዩ እለ ሐቆ ሰምዐ ዲብ ኮር ሼጣን ክም ልትጸዕን ምን በዲሩ እመር ሰበት ዐላ፡ እሰልፍ ፈሎሽ ቤለ ወሐሬ፡ ክም ገመል ሓዋር እብ ክልኡት ለምሽዋቁ ገፈይፍ ሐቆ አፍገረ፡ እበ “ወለትኩም ቴለቱ” ለትበህለ ዓጭም ለሰብር መባልስ ሕዩር እንቱ እንቱ፡ እግል ለአትፋርህ እንዴ ቤላቱ ገብእ ትላከዩ ወክም መጽአቱ አትገሰዩከ፡ “ያብት!” ቤለ ኢግህያሁ እንዴ ትሰለፈ ወትወሐሰ። ጸር ገመል ለለአለድድ ትንፋሰ ረዩም ሐቀለ አተንፈሰ ህዩ እንዴ አትሉ፡ “እንቲ ወለትን ወሕናመ ዋልዴንኪ ገብኣነ ምን ገብእ፡ ህግያን ትሰምዲ! ኢፋልዬ ምን ትብሊ ህዬ፡ ምን እት ቀደሚኪ ለህለ ክልኡት ሕርያን አሮት ሕረይ! ወመርገምን አትርፊ ወመድሐርን ንሰኢ። ምን እሎም ክልኡት ሕርያን ወኬን ምን አግቡደለ ረቢ ገበይ አለብኪ! ሕነ ዋልዴንኪ ኢሕነ ወእንቲመ ውላድነ ይእንቲ” እት ልብል እግል ለአትፋርህ አንቡተ። ለወቅት ለህይ ገጽ አብ ሰሚረ አመቅረብ ትበርሁ ዐለት። ለዲመ እንዴ ልትሃጌ ዲብ እዴሁ እንዴ ወደዩ ምድር ለሽራቅቅ እ’በ ሞራሁመ፡ ዲብ እዴሁ ሰበት ዐለት፡ ሰሚረ ወእ’መ እግል ክሉ ዱልያት ዐለዩ።

መስኪነት ሰሚረ፡ ዲብ ከብደ ሐለት ክም ህሌት እግለ ተአምር ምንመ ዐለት፡ ለእግል እመ ለቴለ ህግዩ እት ገጽ አቡህ ከአፎ ትድገመ፤ ሐሩቀት ሰ’ደ ሐልፈት ዲቤ። ምን ሐረሰ እለ በሊሰ እብ አፋሁ እንዴ ኢገብእ፡ ዲበ ተባራት ለመሰል ዕንታተ ፋሪ

ትትአከብ ለጸንሐት እምቤዕ፡ እብ ረአሰለ ከብባት መላትሐ ራውያት ክምሰል ውሒዝ ደራነት ጽንዕት አሰክለ ረሓብለ ለነሐረ ገጸ ተሐት ትባደረት ምን።

አብ ሰሚረ ለአክ-አክል ዕንግሌ ለገብእ፡ አሰራር ቀደሐት ለትማደደ ዲቡ ዕንታቱ ምን አቅሩዱ እንዴ አትፋገረ፡ “አንሳት እንዴ ኢገብአ ዳቅባም ሰብ ተብዕን ሕነ ለልብሎ ለኢለሐይሉኒ አነ! አፎ አፋኪ ትለገመ የሀይ ወለት፤ አፎ ኢትበልሲ ዲብዬ፤ እግልኪ እንዴ ለሐዙ እብ ገበይ ሕሽመት ወእሕትራም ሸፍርዬ ለአተው ሰብ ውላድ ሰብ እግሎም ለሓለፍኩሁ ቀል፡ ፍራይ ሐርብ እግል ትፍትሐ ዲቡ ከፈዳዩሕ ወለቱ ሐለቱ እግል ተአተብሊኒ ተሐዘ ህሌኪ ሰሚረ፤ እንሻላህ መሳሚር ልትዋተድ ዲብኪ። ወለ ክምሰለ እብ ህግዩ ዐረብ “አሰኩት ምን አ’ረዳ” ለልትበህለ ራድየት ህሌኪ፤ ዮም ፈጅር ወሐቆ ፈጅር አለቡ። አዜ አዜታይ በሊሰኪ አሰምዲኒ እብለክ ህሌኩማሚ፤” ልብል እንዴ ህለ መሸረፈት አልባብ ሰሚረ ወእመ እብ ሕበር አሮት እያድ ሸርፋ ዐለዩ።

ለዶል ለህ እምበለ ካልቅ ህግያህ ወሸንህተ ለለአምር ዐለ አለቡ። ለክሩይ ዲበ ለዐለ ደረብ ለተአቀልል እቡ አብሳር እግል ትባሰር ላገም ምንመ ዐላ፡ ክምሰለ አቡህ ለቤለዩ ለአግቡይ ክሉ መናግኡ ትዳበአ ምን። እበ ማይ-ማዮ ለመሰል አጫብዐ ለክሕለት ድቅት ለትመሰል እምበዐ ማሰሰት ወሐሬ፡ ቀደም እለ ምዕል እለ እግል አቡህ እርኢተ ለአተአምር ሐለት ዳረከተ። አርወሐተ እብ ሐፋነት ሐጠር ወሰባተት ዲብ ቆል እማነተ አግረሰት። ዋልዴን እብ ቅሸሽ እግል ትታለዮም ሰበት ኢሐሬት፡ ለእለ ወልደት ትውለድ እንዴ ትቤ፡ ለለሀንጦዋል ለዐለ ሰአል አቡህ ዲቡ በሊሰ እግል ተሀብ ትከማከመት፡ ከ“ሰምዐኒ ይ’ቤ አነ ክም ዋልዴንዬ እፈቱኩም ወሐሽመኩም። ለአማን እንዴ ሰተርት ምንኩም፡ እተ ፈጅር ለለአትዕሰኒ መስተቅበልዬ እብሐሰት ህግያኩም እሰሚዕ ምን እብለኩም ረቢ ኢቀብለ ምንዬ። ዐዛብ ሌጠ ለእካፍል ምን እንዴ ኢትገብእ፡ አነ ለእሰኔበ ወእንቱም ለትትሐበኖበ መድሐርኩምተ ለተአትሐዜኒ። ምን ሐረሰ እለ፡ እንቱም እብ ሰኔቼ ትሰኑ ወእብ እኪቼ ተአኩ ገብአኩም ምን ገብእ፡ አሕመድ ወድ ሳልም ኢተአትህዴኒ! እለ ነፈር እለ እምበል እኪቼ ሐቱመ ምን ሰኔቼ አለቡ ዲቤ። ይቤ ህዳይ መስተቅበል ሐያት ሰበት ገብእ፡ እግልዬ ለነፌዕ ወለረፌዕቱ ለለአትሐዜኒ። ወሐሬ ህዬ፡ በደል ናይነ ሰምዲ ወሕነ ለእምቤለ ሌጠ ትግባእ ትብሉ። ናዩመ እግል

ትሰመዖ ብኩም። ህግዩ እንዴ ይአበዜሕ እትኩም እለ ነፈር እለ ዮም ይእትሀደዩ ወፈጅር!” እንዴ ትቤ፡ ሻፍገት እንዴ እንተ ብርግሽ እበ ባብ እንዴ ትቤ ምኖም፡ እተ ህተ ወሐወ ለሰክቦ ዲበ ቤት እንዴ አቱት፡ እብ አፍ ልበ እተ ዐራት እንዴ ትገፍተአት፡ ክም በዐል ከንክኒት ጽጋዕ እብ ብካይ ሀቀብቀበት። ለዐለት ዲበ ዐራትመ ክምሰል መጋደሰ አድግ ሪፋይ ኮብኩብ ትቤ ከኮረ መስከት።

ሰሚረ፡ አርወሐተ ፊናለ እግል መንገፎ ወጠን ወሸዐብ ዲብ መጅገሎ እሳት ሕፍን እግል ለሐምሴ ምን ጌሰ አሰክ እለ እብ ረአሱ እንዴ ኢሸብብ ሰነዋት ሐሉፍ ለዐለ ፈታየ ዑመር ለጠልመት መሰለታክ እብ ጅረድ ትዕሰ ከተፈተ። ለዲመ ዲበ ሐንቴለ ወሲደት ክባበ ለትወድየ ርሳለት ፊነ ዑመር እንዴ አፍገረት፡ ዲብ ረሓብ ልበ ሐቅፈተ። እብ ልበ ህዬ፡ “ነወይቱ አማነትክ እግል ይእጥለም!” ለትብል ዘዐት ገለድ ሕጡጥ ደጋገመተ።

መባልስ ወለቶም እብ እዘኖም ለሰምዐው ወመካይደ እብ ዕንታቶም ለረአው አብ ሰሚረ ወእም ሰሚረ፡ ክሎም ክምሰለ አሰህለት ለብግዕት ውሕጠት ዲበ መጋሲቶም ትሻከረው ከመንቀጥ ሐግለው። ሐሬ ላኪን እም ሰሚረ እንዴ ተግክከት፡ ለሕልወይ ጸሊም ህርድ መገልበበ እንዴ ተአትሳኔ ዲበ “እለ ወለት ይሐዘዩ ሐቆ ትቤ እዘዎ ምን! ውላድ ዮም እብ ቀሰብ ኢኮን እብ ጎማትመ ልትመለክለ ኢህለ ሕሻኩም?” ህግያህ እንዴ ኢትከልሴ፡ “አደቦእ ሸክ በሊሰ ለነክክ እለ። እለ ወለት እለ ምን ጽባብሐ ኬር ይዐለ ዲቤ፡ እብ ቀሰብ ኢትነፊዕ ወእብ ቀልብ፡ እብ ሕክም ረቢ ለኢረዴ ህዬ እብ ሕክም ሼጣን ክም ረዴ ተአክዲ! ምን እግል ትትህዴ ተሐዜ ህሌት ለወለትኪ የሀይ፤ ወሐሬ ለኢተአክጅልኪ ሰርዕኪ እንዴ በላዕኪ፡ እት ንቡር ኢዐለት ወእት ፍጡር፡ ዲብ ዓዳት ኢዐለት ወዲብ ነባሪ እግል ትግመዩ ወጅበክ ዐለ ትብሊ፤ እለ ሕጻን እለ እንዴ አቤት ምን እግል ትትህዴ ተሐዜ ህሌት የሀይ፤ ብለሲ ዲብዬ፤ እንቲ ወህተ ለጎማትክን እለ ገብኣት ምን ገብእ፡ ሓ’ገ አነ ለምኑ ኢትርህዩ ሐብል ሰማድ እግል አጽብጠክን” እንዴ ልብል መርባት ሰብ አቅርን ዲብ ገልሐት ሐዘዩ አብ ሰሚረ።

እም ሰሚረ ምን ጠቢዐተ እብ ቀሊል ኢትሐርቅ። ሐቆ ቀንጸት ላኪን መደክላይ አለቤ፡ “ወለቱዬቱ ረቢ ንፍራህ ምእኩም፤ ለወለት ሐዘዩተ ርከቦ ወኢትሕገሎ እንዴ ኢትቡሎም እሰልፍ እግል ትግመዩ ወናዩ እግል ትሰመዖ ዐለት እግልኩም። እለ ሰበት ኢወዴኩም

ዮም ከልጣኒን እንቱም ወፈጅር። “እንዴ ኢለአጠፍሐወ ከ’ርወ እንዴ ኢከምህወ ትትነባ” መቃንጽኩም እንዴ ኢሰኔ መካራትኩም እግል ልገርም ተሐዘ ህሌኩም አብ ሰሚረ፤ ወሐሬ እግልዬ ወእግለ ለኢልርሄ ሐብል ሰማድ እንዴ አጽበጥኩን እንቱም እት ረሀየት እግል ትምበር ትሰኡ፤ ከአፎ ትከይዶ ህሌኩም። እምበለ አነ ለእቤለ ትግብእ ህግዩ አዳምመ ሰምዖ! አዜ ረአይኪ ሀቢን ትብሎ ወትትዌነቁ ዲበ ዐልኩም ወበሊሰ እለ ለእግሉ ሰማዕኩም ቱ። እብ ምተሐት ተሐሉፋ ወለ እብ ምለዐል፡ እብ ሸሪዐት ተሐሉፋ ወለ እብ ሻሸት፤ አዜ ወእብ ቀሰብ አትህዱ ወእብ ቀልብ እግል ንርኤኩምቱ! አብሬትኩም፡ ዘበኑ ለአክተመ መትፈዴዳብ ወጨቅጥ እብ መቅሬሕ ኢለአታሌክ። ዐረር

ግብኢ ወለት ቀጣብ! አዜ ህዩ ደቁስ ጣልቀት ዲብ እንተ ሐብል ሰማድ እግል ትትአልበጥ ትትሐዜ ህሌት፤” ህታመ እብ ጀህተ ግፎፈተ ከሬት።

አብ ሰሚረ ለክም ከወኒ በልሐት ለአትዳመዐዩ መባልስ እም ሰሚረ ትደቀበ ዲቡ ገብእ እንዴ በርድ፡ “የሀይ እሲት ለህግዩ በልቀት ዐላል ኢተአሸላቲፋ። እለ ወለት እንቲ ራድየት ወገብአኪ ህታመ ምን ህግያኪ ወኢፈግረት። አዜ ህዩ አትሓልዩ ወአትራድየ እብለኪ ህሌኩ። ለትሰረረተ ለህግዩ ኢትፈጠቀ ዋኢተአትዋሊድ፡ ለአትፋርሆት አብ ሰሚረ ህዩ አሰብሪ ምኑ!” ቤለዩ ከሸንክት ዐራት ምስክቡ ትሼለበ ምን።

ልተላሌ-----

ቃኑን ጀሪመት.....

ምን ገጽ 3 ለተላለ

1.5 መብደእ እግል ሐቱ ጀሪመት ክልኤ ኢነት ኢጃዘዮት፡


እለ መብደእ እለ መዋጥኒን እበ አጅረወ ሐቱ ጀሪመት ምን ሐቱ ኢነት ወለዐል ዲብ ፍርድ እግል ኢልቅረቦ ወኢልጃዘው ለመኔዕ መብደእ ቱ። ዎሮ ነፈር እብ ጀሪመት እንዴ ትሸክ አሰክ ፍርድ እንዴ ቀርቦ ሕር እንዴ ትበህለ ከአቅበለ ምንገብእ፡ እበ ሕር ለትበህለ እቡ ሐደሰ ጀሪመት እግል ኢልትሸኪ ወዲብ ቤት ፍርድ እግል ኢልቅረብ እለ መብደእ እለ ዔቅባይ እንዴ ገብአ ዳሬዕ እለ። ምኑ ወኬን፡ ዎሮ ነፈር እብ ጀሪመት እንዴ ትሸክ አሰክ ፍርድ እንዴ ቀርቦ ምጅርም እንዴ ገብአ ዶል ጸኔሕ ወልጃዜ፡ ምን ሐዲሰ እብሊ ለትጃዘ እቡ ሐደሰ ጀሪመት እንዴ ትሸክ እት ፍርድ እግል ኢልቅረብ እለ መብደእ እለ ዳሬዕ እለ። እለ መብደእ እለ እግል ዎሮ ሐደሰ ጀሪመት እንዴ ካፈልከ እግለ ሐቱ ዶል ዲብ ፍርድ ለቀርቦ ነፈር ዲብ ሓሪት ጅርቦት ወሰርዐት ፍቱሕ ጀሪመት ክምሰል ነብር እንዴ ገብአ አሳሲ ሕቁቁ ወሸረፋ ዲብ ብቆት እግል ኢልውደቅ እግል ልዳሬዕ ለተአሰሳ ቱ። እለ መብደእ እለ፡ አግደ ዔቅባይ ቃኑን ዲብ አሰሶት ሸክ መደጋግ እግል ልውዴ ክምሰል ወጅብ ለለአትፋቅድ ቱ። ሰበቡ ዔቅባይ ቃኑን ሐቱ ዶል ሸክ እንዴ አሰሰ እግለ ቀድየት ዲብ ቤት ፍርድ አቅረባዩ ምንገብእ ከ ቤት ፍርድ ህዩ ድድ ሸኪይ ካሬ ደሊል ሰበት ኢቀርቦ እተ ሕር ሳረሐቱ ምንገብእ፡ ዔቅባይ ቃኑን ለሐደሰ እብለከሰስ ምን ሐዲሰ

ሸክወት እግል ለአሰሰ ሰበት ኢቀድር ቀደም ሸክወት አሰሶቱ ድድ ሸኪይ ለአከበዩ ደሊል እግል እጅራም ሸኪይ ምን ሸክ ወኬን እንዴ ሐልፈ ለለአፍህም ክምቱ እግል ለአሰብት እቱ ትቀሰብ።

2. መብደእ ምንኬን ሸክ ዕጉል፡

እለ መብደእ እለ ለገብአ ሸኪይ እብ ቤት ፍርድ ምጅርም ክምቱ ለለአክድ ፍርድ እግል ልትህዩብ ለልጠለብ ሚዛን ደሊል ለከሰሰ እት ገብእ፡ ዳንያታት እብ ዔቅባይ ቃኑን ድድ ሸኪይ ለቀርብ ደሊል፡ ሸኪይ እግለ ሐደሰ ጀሪመት ክምሰል ወዐለዩ ምን ሸክ ዕጉል ወኬን እብ እሰባት እግል ለአፍህም ለቀድር ክምቱ እንዴ ኢለአክድ፡ ሸኪይ ምጅርምቱ እንዴ ቤለው ቀራር እግል ኢለሓልፎ ዳሬዕ። ድድ ሸኪይ ለቀርብ እሰባት እበትቀደረት ገበይ እግል ደሚር ዳንያታት ለኢለአትግኔዕ ወሸኪይ እግለ ሐደሰ ጀሪመት ክምሰል ወዐለዩ እብ ሸክ ለአለበ ገበይ ለለአክድ እግል ልግበእ እለ መብደእ እለ ጠልብ። እለ ልትበህል እት ህለ ላኪን፡ ሸኪይ እግለ ቀርቦት እቱ ሸክወት ክምሰል ወዐለ እተ እብ ዋዴሕ ለአመ ምንገብእ፡ ድዱ እሰባት ኢቀርቦ እንዴ ትበህለ ሕር ልትበህል በህለት ክምሰል ኢኮን እግል ንፍሀም ወጅብ። ዲብ ቤት ፍርድ እብ ሸኪይ ለተሀዩበ ልኢም(እዕትራፍ) ቃኑንዮቱ አኪደት ገአት ምንገብእ ወሸክ ለለአተውዴ አሸዩእ ኢትረከበ እቱ ምንገብእ ወሰክ ደሊል አቅረዐት እንዴ ኢልትሐዜ እት ምጅርም ቀራር እግል ልትበዩን እለ መብደእ እለ ሰሚሕ።

ልተላሌ....



ፈሪቅ አትሌቲክስ ኤረትሮፕ መዳልየት ንሐስ ትሰርገ



ማሌ ለሀቀዓሚት እት ዓሊመት ኡጋንዳ ላተ መዲነት ካምፓሊ ለገብአ 42ይ እድንያይ ጅግረ አትሌቲክስ ኤረትሮፕ እብ ደረጃት ፈሪቅ እብ ተሓት 20 ሰነት ለዓማሮም አትሌታት ሳልሰይት ደረጃት ሰበት ጸብጠት መዳልየት ነሐስ ትሰርገ።

እትሊ ጅግረ ሸባን እሊ ሕሩይ ፈሪቅ ኤረትሮፕ ብዝሓም ተጅርበት ለአለም መትግግረት አሻረከት እግል ልትበህል ቀድሮ፡ ምን እሊ ፈሪቅ እሊ ለሐሰት ተጅርበት ዐለት እግሉ እግል ልትበህል ለቀድሮ አትሌት የማኔ ሀይሌሰላሴ ተ።

ሀቱ ለምን ሰልፉ ሸፋገት ለትርኤት እቱ ጅግረ እግል ልምርሐ ቃድር ምንመ ዐለ እት አክር ላኪን እግል ልትወወት እቱ ኢቀድረ።

እት ደንጎበ እተ ገብአ ጅግረ ህይ ወድ ኡጋንዳ አትሌት ጃኮብ ኪምሊም አወላይ ፈግር እት ህላ፡ ወድ አቶብየ አትሌት ዋሌል አምዴወርቅ ካልኣይ፡ ወሳልሳይ ህይ ወድ ኬንያ አትሌት ሪፓርድ ኩምያን ዐለው።

ምን አትሌታት ኤረትሮፕ ህይ የማኔ ሀይሌሰላሴ ታሰዳይ፡ፋሊምን ዐንዴ 11ይቱኹብ ገብሩ 16ይ መሓሪ ጸጋይ 19ይ ወርቤል ስብሀቱ ህይ 21ይ ፈግረው።

እብሊ ህይ እት ታሪክ ኤረትሮፕ እት ሰኔታት 2006፡2009፡2015 መዳልየት ንሐስ ወቀደሚሁመ መዳልየት ፍደት ሰርጊት ክም ዐለት ልትአመር።

ሕሩይ ፈሪቅ ኤረትሮፕ እት አትሌቲክስ እብ ናይ ክልኢቱ

ለጅንሰ ለሻረከ እት ገብኤ፡ ዮም ዓመት እግል ሰልፍ ኢት እት ጅግረ መትክባባት (ሪሌይ) እብ ታምም ዕልብ አትሌታት ለሻረከ ወእብ ክልኣት ጅንሰ ለትወክለ ዐለ።

እተ ሐልፈተነ ሰንበት ዐባይ ለገብአ ጅግረ ሪሌይ ለሻረከው አትሌታት ምን ውላድ ተብዕን ዐወት ሀብቶም ውብርሃኔ ተሰፋይ ተአሻርክ እት ህሊት እብ እንክር አዋልድ ህይ ናጽነት ነጋሲ ወሄለን ገብሩ ዐለየ።

ለበዝሐ ፍረቅ አትሌቲክስ ጅግራህን እብ ውላድ ተብዕን ለአኩብተ እት ህለየ ፈሪቅ ኤረትሮፕ ላኪን እብ ወለት አንሳይት አንበተ።

ሐቀ ጅግረ ትሩድ ፈሪቅ አትሌቲክስ ኬንያ እብ 22፡22 አወላይ ገብኦ እት ህላ፡ ፈሪቅ

አቶብየ ህይ እብ 22፡30 ካልኣይ ወሳልሳይ ፈሪቅ ፈሪቅ ትርኪ እብ22፡37 ካልኢት ፈግረው። ወጠንያይ ፈሪቅ አትሌቲክስ ኤረትሮፕ ህይ እብ 24፡47 10ይ ደረጃት ረክበ።

እት ጅግረ ተሓት 20 ሰነት ለዓመረን አትሌታት ለገብአ ጅግረ እት ፍንጌ አትሌታት አቶብየ ወኪን ሌጠ ታርፍ ዐለ።

እት ደንጎበ እተ ገብአ ጅግረ አትሌታት አቶብየ ሌቲሰንበት ጊዴይን ወሃዊ ፋይሳ 1ይት ወ2ይት ፈግረ እት ህለየ ኬንያይት አትሌት ሴሊፊን ጅሰፖል ህይ 3ይት ፈግረት።

እትሊ ጅግረ እሊ ምን ኤረትሮፕት አትሌታት አትሌት ኪዳት ቴሾሚ 21ይት ሰሚራ መብርሃቱ 27ይት ዶልሺ ተሰፊ 28ይት መርሀዊት ተክኤ 58ይት ዮሃና ፍትዊ 70 ደረጃት እንዴ ጸብተየ ጅግራህን አትመመየ።

እብ ዓመት እብ ደረጃት ፈሪቅ ለትረከበት ፍገሪት ዶል እንርኤ አቶብየ 1ይት ኬንያ 2ይት ወ3ይት ህይ ኡጋንዳ ዐለየ።እትሊ ጅግረ እሊ ኤረትሮፕ እግል ጃፓን እንዴ ተሌት 5ይት ደረጃት ጸብጠት።

እት ናይ ዐባይ አትሌታት አንሳት ለገብአ ጅግረ አትሌታት ኬንያ ምን1ይት-6ይት ለህሊት ደረጃት ሰበት ጸብጠየ እት ታሪክ አትሌቲክስ ምዕራፍ ሐዳስ ፈትሐየ። ኤረትሮፕ እትሊ ጅግረ እሊ አትሌት ናዝሬት ወልዱ 34ይት፡ አትሌት ሰምረት ወልዴጋብር 44ይት፡ ሩት ክብርኣብ 53ይት ኮኹብ ተሰፋጋብር 73ይ ሰበት ፈግረየ ኤረትሮፕ እብ ደረጃት ፈሪቅ 11ይት ፈግረት።

እትሊ ጅግረ እሊ ክለን ለሻረከየ አትሌታት አሰርሕድ ለኣቱት ኬንያ

አወለይት አቶብየ ወበሕሬን ህይ ምን ካልኣይትት እት ሳልሳይት ለህለ ደረጃት ጸብጠየ።

ጅግረ አትሌታት ውላድ ተብዕን ዐባይ ለዝያድ ለገብአ ጅግራታት እህትማም ለረክበ ዐለ፡ ቀደም እለ እብ አትሌት ዘርኢሰናይ ታደሴ መዳልየት ደሀብ ነስኦ እብ ለዐለት ወፍሪቅ ኤረትሮፕ ሕሸመት ረክብ እብ ለዐለ አትሌት ማሌ ለሃ ቀዳሚት አካኑ ሰኔ ወአማን ፍቅድት ዐለት።

እትሊ ጅግረ እሊ ኤረትሮፕ እብ አትሌታት ጎይትአም ክፍሌ ወኣርን ክፍሌ ለትመቅረሐው አትሌታት እሹርክት ዐለት፡ ለጅግረ ምን ሰልፉ ሸፋገት ዐለት እቱ። እግል ብዙከ ወክድ ሚርሐትለ ጅግረ ለጸብጠ አትሌት ጄሰዋ ጅፕቴጋር ምን ኡጋንዳ ሐለቱ ሰበት ሐወነት ምን ጅግረ 1 ዱረት ክም ተርፈቱ እግል ልትመልሐዋ ወእብ ብዕዳም አትሌታት እግል ልትበደር ትቀሰበ።

ክም ፍገሪት እሊ 1ይ አትሌት ከማምሮር ምን ኬንያ አወላይ 2ይ አትሌት ሊዮናርድ በርሶዮን ምን ኬንያ ወሳልሳይ ህይ አትሌት አባዲ ሐዲስ ምን አቶብየ ዐለው።

እግል ሰልፍ ዶሉ ለሻረከ አትሌት ኣሮን ክፍሌ 5ይ ፈግረ። እብ ደረጃት ፍረቅ ኬንያ አቶብየ ወኡጋንዳ እብ ቀደም ትሌ መዳልየት ለትሰርገየ እት ገብኤ፡ ሕሩይ ፈሪቅ ኤረትሮፕ ህይ እብ ወቅት ጨቢብ እንዴ ትፈለለ 4ይት ደረጃት ጸብጠ።

እትሊ ጅግረ እሊ ፈሪቅ ኤረትሮፕ እት ሰነት 2006 መዳልየት ፍደት ወእት ሰነት 2009 መዳልየት ነሐስ ናስኦ ክም ዐለ ልትአመር። ዮም ዓመት ላኪን እብ ሐቱ መዳልየት ነሐስ ተርፈ።

ጃእዘት እግል መደርብ ሌሰተር ሲቲ ለዐለ ራኔሪ ትትህየብ!!

ወድ ኢጣልያ መደርብ ኩረት እግር ፈሪቅ ሌሰተር ሲቲ ለዐለ ክላውድዮ ራኔሪ እብ ፈደሬሽን ኩረት እግር ዐዱ ጃእዘት ለሐሰ መደርብ እግል ልትህየብ ክምቱ ቢቢሲ ሐበረት።

እግል ሰነት ፈሪቅ ሌሰተር ሲቲ እንዴ ዐለመ ለፈሪቅ ዕዉት ጅግረ ፕሪመርሊግ እግል ልግበኦ ዶር ለዐለ እግሉ ራኔሪ እተለ ሰነት ርያደት እለ ፈሪቁ እተ ወደዩ ጅግራታት ፍገሪት ሐዋኒት ሰበት ሰጆላ ለሐልፊነ ወርሕ ፌብራይር ምን ፈሪቅ ክም ጠረዘ ልትአመር። እትሊ ወክድ እሊ እምበል ሸቅል ግሱይ ለህለ ራኔሪ፡ለሐልፊተነ ሰነት ምሰል ፈሪቁ ምስተንክር እንዴ ሸቃ ካሰለ ጅግረ ሰበት ነሳቱ እብ ፈደሬሽን ኩረት እግር ኢጣልየ ለትትህየብ ጃእዘት ፓንቺና ዴ ኦር (ጎልደን ቤንቸ) እግል ልትህየብ ለትሐረ።

ጅግረ መዳላይ ዐጀላት እግል ዱር ኤረትሮፕ ተ'መ

እብ ፈደሬሽን ጅግረ ዐጀላት አቅሊም ምግብ እንዴ ትነዘመ እግል ክልኤ ሳምን ለገብአ ጅግረ ዐጀላት እግል መትዳላይ ዱር ዐጀላት ኤረትሮፕ ለሐልፊነ ሰንበት-ዐባይ እት ድዋራት ሞኖፖልየ እበ ገብአ ጅግረ ክም ተ'መ ምን ዕላቃት ዓመ ለፈደሬሽን ተአፍህም።

እሊ ጅግረ ዝያድ ለልትህጎኑ እግል ልግበኦ እት ፍንጌ ዐባይ መትግግረ ሰለስ ናይ ሾላተ ጅግረ ንዙም ሰበት ዐላቱ።

እብ ጀምሶ ንቃዋ ምን 1ይ-3ይ ለህለ ደረጃት እብ መትግግረት ፈሪቅ ኤሪ-ቴል በህለት ዘመንፈስ ሰለሙን፡ ሚሮን አብርሃም ወሲራክ ተሰፎም ለትጸበጠ ሰበት ዐለ፡ ጀዋእዝ እብ ፈሪቅ ኤሪ-ቴል ትበሐተ።

እግል 2ይ ዲቪዥን ለትዳለ ጅግረ 80 ኪሎ ምትር ለገልበበ እት ገብኤ፡ እሊመ እት ምግቡ ለጅግረ ሰለስ ሾላታ እዱሉይ ዐለ።

ብንያም ግርማይ ወንያት ርእሶም ምን ፈሪቅ አስቤኮ 1ይ ወ2ይ ፈግሮ እት ህለው ሳልሳይት ደረጃት እብ ናይ ብሕተ ጅግራሁ ለአትጋየስ ሳምኤል ደብሬጽዮን ነስኣየ።

እብ አዋልድ አንሳት ለገብአ ጅግረ መሰጅዐት ለኢረይሐ ዐለ፡ እግልሚ እሙራት መግግረት ሕነ ለልብለ አንሳት ምን ጅግረ ሰበት ጠረዘየ ወላመ ጅግራህን አትመመየ

ብዕዳት መግግራት እት ጅግረ ለኦርኢያሁ ለዐለየ ሐረከት ጅግረ ለትረይሕ ሰበት ይዐለት። እምበል እሊመ ናይ ሳልሳይ ዲቪዥን ጅግረ ዐጀላት ውላድ ጋብኦ ዐለ።



